

KI KUPAZULA KWA LIZAZI

 Halu inamiseñi litoho zaluna. Mulena, halu kopani mo cwana mwa kakusasana womunde wa Paseka ye, ku bona limela ze nyinyani linze li tumuka kwande ka ku shoshela, limuka linze li fufa ku ikungela siemba sa zona, linyunywani za opela mane inge lika pazuha lipilu za zona ka tabo, kakuli kuna ni Paseka. Lu lumela kuli No zusize Jesu kwa bafu, myaha ye miñatañata kafoo, kacenu, mi lwa nyakalala lizazi la kupuzole.

² Mi tuhela kuli kutahe Paseka mwahala luna kaufela, kacenu. Mi luna, kakuba batanga ba Hae, lu utwisise Linzwi la Hae, kuli ne luli mwa kutwano ya Hae nako yani, mi ni kuli cwale lu zuhile ni Yena mi lu inzi hamoho mwa libaka za Mahalimu.

³ Fuyola sebelezo mo mwa tabernakele, ni kwande mwa libaka mo i hasanelo, ka luwaile loo.

⁴ Folisa bakuli kaufela ni baba imezwi. Mi ibe Paseka ku bona, hape, mi ni mututo kuzwa kwa butuku kukena mwa mata. Mi bani baba shwezi mwa sibi ni bumaswe, ha bapile kacenu ka Kreste. Mi lu ka Ku lumba, kakuli lu li kupa ka Libizo la Hae. Amen.

⁵ Na kaniti ni talima ye kuba litohonolo le li komokisa, kakusasana cwana ka ku kutela mwa Jeffersonville, Indiana, ni puteho tuna ye, keleke itezi mi ba yemi, ni kwa matuku ni fande, ni mwa tu nzila twa limota ni kai kaufela. Ku mina sicaba fa mawaile mwahala naha, ki kakusasana womunde kwanu.

⁶ Faifi kiloko kakusasana kacenu, mulikana ka yomunyinyani wa sifuba se si fubelu a fufela fa lihaulo laka mi a ni zusa. Ne ku bonahala inge kuli pilu ya hae ye nyinyani ne i ka pazuha, inza li, “U zuhile.” Ni bile ni nahanganang kamita ka nyunywani ye nyinyani ye kuba mulikani ku na, kakuli Na i lata.

⁷ Sina litangu ka yona ha li ambola kuli, “Nyuniywani nyana ye fubelu ne i Mu boni inza nyanda fa sifapahano, foo sibi ne si Mu beile.” Ka niti, nyuniywani ye likani yani ne i sina sibi. Na sa lukeli kushwela nyuniywani ye nyinyani yani. “Kono ya fufela fa sifapahano ni kulika ku kumula limapo, ni mulomo nyana wa yona, mi ya itambaka bu fubelu fa sifuba kaufela.” Mi ona cwalo kona mo Ni batela sa ka, nina, kakuba tebe, ka kulika ku sileleza Taba ye kanya ya Na shwezi ye.

⁸ Ka kulemuha kuli nako ya luna ki ye kuswani fa, sihulu kwa balikani bao baba sweli ku teeleteza kwa luwaile lo, Ni ka tabelu ku mema kutwisiso ya mina kakusasana wo kwa—kwa siswaniso sene si swanisizwe nako yeñwi ka kamera, sa pono yene Ni bile ni yona mo mwa tabernakele, ya kuzwa mwa Indiana, kuya kwa Arizona; kone Ni lukela ku yo kopana, mwa mufuta wa mundandwe o pahami, Mangeloi a supa. Ni sa zibi se ne si ka

ezahala kasamulaho, hane Ni fitile kwani, ka ku nahana kuli neli mafelelezo a bupilo bwaka, kuli ne kusina yana kona ku yemela ku panca kwani; mi Na ziba kaufela mina mwa ziba likande leo. Mi kasamulaho mwa Sabino Canyon, kakusasana omuñwi sina cwana, hane ni sweli kulapela, ne ku nani mukwale o no ti lo beiwa mwa lizoho la ka, mi kwa bulelwa kuli, “Le ki Linzwi, ni Mukwale wa Linzwi.”

⁹ Kasamulaho, Mangeloi a to bonahala sina mo ne ku polofitezwi. Mi ka nako ye swana, sibaka tuna sa Liseli sa zwa fo ne Ni yemi, ni ku shenya limaili ze mashumi amalalu mwa mbyumbyulu, ni ku potoloha kupanga sikwenda, sina mafufa a Mangeloi, ni ku swanisa mwa halimu mubonahalelo wa mundandwe wa piramidi wa Mangeloi a kumbani ana bonahalile.

¹⁰ Sayansi ya kopa siswaniso, ku kalela kwa Mexico, hane si nze si zwa kwa neku la mutulo wa Arizona, foo Moya o Kenile no bulezi kuli ne Ni ka yo yema teni, “limaili ze mashumi amane neku la mutulo wa upa wa Tucson.” Mi sa ya mwa mbyumbyulu, mi ba mutende wa ba *Life* ba kopa maswaniso, “Sesiñwi sa kunutu mwa halimu mwa mbyumbyulu, kone ku sa konahali kuba mukamo, ko ku sa konahali ku fumaneha puka ya sika kaufela; limaili ze mashumi amalalu mwa halimu, ni limaili ze twenty-sebene mwa matuko,” ni kutaha cwalo kuzwa fo ne kuli Mangeloi ani.

¹¹ Cwale, ne ba buzize, kuli ba zibe. Sayansi, yomuñwi wa bona mwa Tucson, na bata kuziba butokwa kaufela, kono Ne ni si ka ba bulelela. Mina kaufela ne mu li zibile, ne li bulezwi kale. Kono ne si za bona; neli za mina.

¹² Mi kacwalo A bulela ku na, mi ali, “Maswayo a Supa a ka kwaluha. Likunutu ze supa, likunutu ze supa ze zamaelela za Bibele, ze kile za kwalwa haisamba lifasi litomwa, lika patululwu.” Mi luna, ibo lu sikuwata nyana se si ishwile, ku bapisa ni lifasi kaufela, lu i kozi limbuyoti ze, ku teeleeza likunutu zani. Linyalo, telekano, peu ya noha, ona lipuzo ze shutana ze kamukana, li se li patuluzwi ku luna ka kufelelela, isiñi ka mutu, kono ka Mulimu, Yena kasibili, ki yena ya kwaluzi likunutu ze supa zani; za seo Keleke neili sona, mo Ne ibezi ku Kreste kwa simuluho, ni mo ne I ka to patululelwa mwa lizazi la mafelelezo.

¹³ Mi cwale, hane si sweli kuya mwa halimu, luna ni siswaniso kwande fa sisupo sa kupuzo. Kono, he, Ni na ni siswaniso se si liteni ona fa, haiba mu lemuha, sina ba mutende wa *Life* mone ba bezi ni sona. Kono Hani zibi haiba nji sicaba sa ka, se si bonahala mo, si kile sa talima luli fa siswaniso, mwabona, mwabona, mwa mukwa o si lukela kuba ka ona.

¹⁴ Mwa hupula, Ne ni kutaza pono ye ha ne itile, neli fa tuto ya Buka ya Sinulo, kwani baatuli ba kale, ko lu boni Jesu mwa Sinulo 1. Fani hane lu kalile ku kwalula Maswayo a Supa . . .

kamba neli—kamba neli Linako za Keleke, nitaluse, bukaufi fela ni ku kwalula kwa Maswayo a Supa. Kreste na yemi ni “milili sina boy a bwa ngu, twaa.” Mi Ne ni tolokile sani ku mina, kuli baatuli ba kale ba Makuwa, ni baatuli ba kale kaafoo, hane ba yanga fa sipula, kuli ba i konke ka musebezi, mata amatuna a bona na fiwa ku bona. Ne ba apala kuwani ya milili ye sweu, mo ne ku belanga, kwa litoho za bona, ili ku bonisa mata a bona amatuna.

¹⁵ Kihande, kambe ne mu ka fetula siswaniso sina *cwana*, kaniti mwa kona ku si bona mwahala sicaba, ki Kreste. Mwabona meeto a Hae atalima neku *le*, ka kupetahala fela mo ku kona kubela; ku apala kuwani kwa toho ye sweu ya Bumulimu bo bu Pahami ni Muatuli wa mahalimu kaufela ni lifasi. Kana mwa bona meeto a Hae, ngo, mulomo wa Hae? [Puteho ili, “Amen.”—Mu.] Mu fetule fela siswaniso ku kalela *kwa*, mo ne ba si swaniselize; ka nzila *ye*, mo si lukela kubela. Mi muka... Kana mwa si bona *nji*? [“Amen.”] Ki yena Muatuli ya Pahami. Hakuna yomuñwi kwanda Hae. Mi yani ki zibahazo ye petehile hape, bupaki bwa kuli Liñusa le ki la Niti. Ye ki yona Niti. Ki niti. Mi ha i Mu ezi kuba Mutu wa bulalu, kono ki yena Mutu fela anosi!

¹⁶ Ka busweu, mwabona, muka bona bunsu, sifateho sa Hae, mulelu wa Hae, ni meeto a Hae. Mi mulemuhe, Uswelii kutalima... Kuzwa ku Yena ku zwelela Liseli le le li monyeha kwa lizoho la silyo, ili koo A talimezi. Mi fa sifapahano, kona kwa Na talimela, kwa neku la silyo, kwa Na swalezi mueza libi. Mwa Liseli la zuho ya Hae, lu sa zwelapili ka Libizo la Hae.

¹⁷ Ni lakaza kuli, kakusasana cwana, Ne ni na ni nako yeñata fela ya—ya kuba ni yona fa likezahalo ze fitelela muluti wa ku kakanya kaufela, li se li pakilwe ka lilimo ze mashumi amalalu kwa mulaho, kamba mashumi amalalu ni a ketalizoho, ona mwa keleke ye; ku zwelela kwani kwa nuka, fani Liseli le liswana lani hane li tulukile mo mwa Jeffersonville, ka 1933, ni ku bulela manzwi ani, “Sina Joani Mukolobezi hana lumilwe ku eteleta kutaha kwa makalelo kwa Kreste, Liñusa la hao li ka eteleta kutaha kwa bubeli.” Lu kwa nako ya maungulo, mi lwa bona cwalo. Lwa komokanga fokuñwi kuli kiñi ha li si ka hasana mwa lifasi kaufela; mwendi nako yeñwi lu ka ba ni nako ya ku tatulula sani, haiba *nji* Mulimu alata.

¹⁸ Cwale Ni bata kuli mu kwalule mwa—mwa Libibele za mina, sina ha lu lumela kamita kuli Linzwi li lukela kutaha kwapili, ka kubala Linzwi. Na kamita na balanga Sani, kakuli Ki... Manzwi a ka ki linzwi la mutu, li ka palelwa; kono Linzwi la Mulimu ha li koni ku palelwa.

¹⁹ Cwale lu—lu ka bala mwa Mañolo a Kenile, palo. Mi lu bata kuli mu apule, pili, mwa libaka zetalu mwa Bibele, ze Ni ketile kuli ni bale ku zona. Yeñwi ya zona ki mwa Sinulo, kauhanyo ya

1, ni timana ya 17 ni 18; mo kona mwa Na bonahalile ni “milili ya Hae busweu sina boyo bwa ngu; mi mautu a Hae na swana sina sipi.” Mi hape Ni bata kuli hape munge, mwa Libibele za mina, Maroma 8:11. Ni ketile, kakusasana cwana, libaka zetalu za kubala, kuzwa mwa Mañolo a Kenile, kwa Liñusa la ka kacenu, leo Mulena a beile fa pilu ya ka la zuho. Mi cwale Ni bata mina kuli, hape, Mareka 16:1 ni 2. Mwani kona mo Ni ka zusa yona—yona taba ya ka.

²⁰ Cwale mwa Sinulo 1:18, lu bala Manzwi a, 17 ni 18.

Mi ha Ni mubona, Na wela kwa mautu a hae sina ya shwile. Mi a ni beya lizoho la hae la bulyo, ani bulelela ali, Si sabi; kakuli ki Na wa pili ni wa mafelelezo:

Ki na ya pila, mi ne ni shwile; mi, bona, Na pila kuyakuile, Amen; mi ni na ni linotolo za lifu ni lihele.

²¹ Mi mwa Maroma kauhanyo ya bu 8 ni timana ya bu 11, lu bala cwana.

Kono haiba Moya wa hae yena ya zusize Jesu kwa bafu u ina ku mina, yena ya na zusize Kreste kwa bafu uka fa mata kwa mibili ya mina ye shwa ka Moya wa hae opila ku mina.

²² Mi cwale mwa Mareka kauhanyo ya 16, kauhanyo ya Paseka, kauhanyo ya 16, litimana za 1 ni 2.

Mi cwale sabata imano fela, Maria Magdalena, yena mahe...ni Maria mahe Jakobo, ni Salome, batisa mafula a sende ye munati, kuli ba to mu toza.

Mi ka mapakela kakusasana ka lizazi la pili la sunda, ba taha kwa libita ka kupazula kwa lizazi.

²³ Cwale, toho ya taba yaka kakusasana cwana, Ni bata kunga taba ya kuli: *Ki Kupazula Kwa Lizazi.* Mi haili tuto, Ni bata ku itusisa ya kuli, “Mata af a bupilo.”

²⁴ Cwale, mwa ziba, mina mwendi mubile mu teeleza fa silimba ni bakutazi baba shutana ha ba bulela. Ni Muzwale Neville wa luna ya ishuwile kakusasana cwana ha na ambola tuto ya hae ya Paseka, ka za zuho. Mi Ni hupuzi kuli mwendi Ni nge hanyinyani ka—ka ku shutana nyana mwa nzila yeñwi, isiñi ka ku shutana, kono ka ku ekeza fela nyana fateni, mwendi mwa mubonahalelo omuñwi, ku mina. Mañolo, buino kaufela bo mu ya ka bona mwa Mañolo, kamita Bu tatulula Jesu Kreste. Hamukoni kuba khawhule ni zona, mukwa kaufela. U kana upaka Yena kamita.

²⁵ Cwale, sina lifasi kacenu mwa sebelezo ya—ya kupuzo, kamba, mwendi hakulata, mwa United States ni sibaka sa lifasi se, kakusasana cwana, mwa likeleke ni kafoo kaufela, ba nyakalala kupuzo ya—ya tulo yetuna kufitisisa yeo mutu akile aba ni yona.

²⁶ Na sepa, sina Mupulusi ha Na shwile, kamba kuba sina mbututu ha Na pepilwe, Na si ke kuba mo kusina kutaha

mwa lifasi. Mi cwale ha Na shwile, kaniti Na swalezi libi za luna. Kono, niteňi, kuna ni limbututu zeňata zende ze pepilwe, mi kubile batu babaňata hahulu baba nyandile ni kushwela mayemo a niti, kono kwa li kuba kube ni alimuňwi ya na kona ku zuha ka yena anosi kuto fita ni lizazi la kacenu le.

²⁷ Cwale, bakeňisa kuli ki biki yetuna hahulu mwa litaba za kale, nyakalalo yetuna kufitisisa ya linako kamukana, ona Paseka ye kona fa Na pakile sa Na bulezzi. Mutu wa kona kubulela sika, kono ni cwalo ha si yo ka swanelo ya kuli si lumelwe, ka kufeletelela, konji kuli si pakiwe kuba sa Niti. Mi kakuba Mulimu, Yana bulezzi kuli, “Munyake lika kaufela; mu kumalele ku sesinde,” Hakoni ku mi bulelela kueza sika sa si ke aeza Yena Kasibili. Kacwalo Na pakile nali Yena ya na shwezi sibi sa luna.

²⁸ Mi, cwale, ha ki lizazi la kupuzo fela, ka lipalisa zetuna za Paseka ze kaufela, ni likuwani za Paseka, ni tushakame twa mubala wa pinki, ni zeňwi cwalo, zeo lu keni ku zona, ni nyakalalo ye kenile; kono ki zende, kono ye ha ki yona taba ya niti ka nzila yatemi.

²⁹ Sina batu kacenu haba lika ku bulela kuli, “Lu lukela kutapa kwa mautu haňwi mwa silimo, la—la Bune, mi la Bufaifi lu swanelo kuca mulalelo,” ni lituto ze shutana kaufela za...Ba kanana za kuli lilukela kuba lizazi *lē kamba lani*, kamba li lukela kuba lizazi la sabata kamba lizazi la pili la biki; kamba...Lika ze kamukana ki lizo za fela-fela. Ki bunde maňi bo sesiňwi sa zona si ka mi eza, kamba mu Kalimile kamba ha mu si ka Kalima, haiba nji hakuna Bupilo ku mina? Ki kupuzo fela. Mane, hakuna sa ku nyaza ka sona, kono ba lwezi fela lizo za bona, kono ba keluhile kuzwa kwa sina sa luli.

³⁰ Satani hana taba ka mo mubezi ba bulapeli cwani, kamba mu kondisa cwani ka kuluka mwa Tuto ya mina. Haiba mu latehisa Bupilo bwani, hamuna ku zuha, ni hanyinyani. Hakuna taba ka bulapeli, ka bunde, ka buňata bwa likeleke ze mu bile ku zona kamba ze mukaba ku zona, halina taba nihaiba iliňwi kwanda kuli mu pepwe sinca.

³¹ Kabakaleo, haiba Mulimu na zusize Jesu kwa bafu, kikuli Na Mu zuselize kupuzo? Mi kana kakusasana wa zuho ye ki—ki lizazi lililiňwi mwa silimo, kamba ki zazi leliňwi leo lu nyakalala se? Kamba, kikuli lwa fumana tuso kwa zuho ya Hae nji? Si talusa sikamaňi ku na? Si talusa sikamaňi ku mina? Cwale lwa lumela, ka tumelo, kuli Na zuhile kwa bafu, kono sani sina ni sikamaňi sa kueza ku na? Sani neli lilimo ze likiti zepeli kwa mulaho.

Cwale ki ku fumana taba ye!

³² Sina hane Ni katezi, lizoho ne li sweli kuopa, bakeňisa lindonga ze ne ba ni tabile bo nesi. Kakuli, ni lukela ku funduka kuya kwa buse bwa mawate cwale, sina ha mu ziba, mwa mazazi

a likani fela, mi Ni lukela kuba ni lindonga ze, mushimani ni Na. Mi ni kolera, butuku bwa fibebe, ni zeñwi kaufela, Ne se ni katezi luli, ku ni kulisa. Kakuli, Sizare ubata kuli mube ni lindonga ze mu si ka ya kale mwa naha isili. Mi Na bulezi kuli, “Mufe Sizare ze li za Sizare, kono he mufe Mulimu ze li za Mulimu.”

³³ Mi hane Ni sa inzi fani, ni nze ni kakanya kuli ki sikamañi se Ni ka ambola kwa sicaba se si libelezi se kakusasana cwana; ili fo mane Ni itumezi hahulu ka zona, mi muuna ni musali ya kona kubeya bupilo bwa hae fa mukoloko wa seo u bulezi. “Ni ka swanelia kuli Ni eze cwani? Ni lukela kunga taba yecwañi kuba tuto ya Ka?”

³⁴ Mi cwale ha ne Ni sa inzi fani, bukaufi ni ku lobala, sikwalo sa ka sa to i kwala, fande sa kwa pata a ndu. Ne kusina mutu yomuñwi kwani konji na ni nosi, kuya ka mo ne Ni zibela. Na teeleeza. Ne ni si ka utwisia fela. Kasamulaho nyana, sikwalo sa kwa muzuzu wa musima, ko ne Ni sikuluhezi kwa kubala kwa ka, sa i kwala, mi yomuñwi a tundamena ku nyunga sikwalo. Mi Na—Na ya kwa sikwalo ni ku yo kwalula munyako, mi, na yo komoka, ki—ki musizana, yomunde, yomunyinyani wa milili ya buñanda-talukeke, wa meeto a mubala wa lihalimu inza yemi fani, na bonahala sina palisa nyana ya Paseka; yainzi ona mo usweli ku ni talimela ona fa.

³⁵ A ni tambeka kadi. Mi neli...Kakuli, Ni sepa ha Ni ka yo fita kwa ndu kuka ba ni makadi a Paseka, ni zeñwi cwalo; kono neli yona i nosi fela, hane ni zwa kwa ndu, ye Ni amuhezi. Mi ki hali, “Muzwale Branham, ye izwa ku bo ndate ni na.” Na bata kuziba hande kuli “na” neili mwateni. Mi bo ndatahe bene ba kula kuopa mwa lingongo, inze ba inzi mwa sipula sa mawili, ki bona bene ba lumile kadi ye. Hane Ni i amuhezi ni ku itumela ku musizana yani, ha na fetuhile ni ku ikela kuzwa kwa sikwalo, Na kwalula kadi yani.

³⁶ Mi mwa mufuta wa kadi ye Na fumana tuto yaka mwateni. Kakuli, fa kadi neku nani Muhalalehi Mareka 16:1 ni 2, lizazi mwa halimu, lizazi ne li pazula. Mi Na hupula ka zani, mi ni tuto ya “ku fiwa mata,” a Jesu Kreste kuli a zuhe kwa bafu, Na ikungela tuto ya ka.

³⁷ Cwale, lizazi, kwa kupazula kwa lizazi. Kihande, ne ku na ni nako fo lifasi hane lili mwa lififi lelituna. Ne li sina sibupeho, mi nelili fela. Mi ne li kwahezwi ki mezi kaufela lona, mi nelili mwani mwa lififi, la buseta, mubonahalelo wa mbundu. Mi Moya wa Mulimu no ambalala fa halimwa mezi, mi ali, “Ha ku be liseli.” Mulimu nana ni libaka la kueza sani, kakuli mwatasii a mezi ani ne ku na ni lipeu za Na cezi, mi ne li lukela kuba ni liseli la lizazi lani fakuli li pile.

³⁸ Mi Liseli la pili le li kile la fiwa mwa lifasi neli Linzwi la Mulimu le li bulezwi. Ona Liseli la pili le li kile la monyeha fa lifasi neli Linzwi la Mulimu le li bulezwi. Ki hali, “Ha ku be

liseli,” mi kwa ba liseli. Sani sa fetula lififi kuba liseli, fa kuli kutahé pupo ya nyakalalo ni bupilo mwa lifasi. Kasamulaho, Moya wa Mulimu, ha No zamaile ka lilato ni makeke, ka lizazi lelituna lani, lona lizazi la pili la kupazula kwa pupo mwa lifasi; lizazi la pazula ni ku pumahanya kai ni kai, mamonyi a lona, mi la omisa mezi a mwa lifasi, mi la tisa buino bwa mbyumbiyulu mwa halimu. Mi, ka nako ya lona ya pili, neli kutisa tabo ni bupilo mwa lifasi, ka peu. Yani neli hola yetuna.

³⁹ Kono, oh, ne si taba yeñwi, ona kupazula kwani, sina kupazula kwa Paseka ya kakusasana yani. Nako ye, ni lizazi li nze lifufa mwa mbyumbiyulu, ne li tisize kupazula ko kutuna kwa lizazi; kakuli ne li lwezi makande amatuna hamoho ni kupazula kwani, kufita mo ne li ezelize ka kupazula kwa makalelo. Ona kupazula kwa ne ku tisize makande, a kuli, “U zuhile! U filwe mata a kuzwa kwa bafu, sina mwa Na sepiselize. U zuhile kwa bafu.”

⁴⁰ Nako ya pili lizazi ha ne lipazuzi, mwa Genese, neli kutisa liñusa la kuli ku kaba bupilo mwa lifasi, bupilo bwa nama.

⁴¹ Kono ka nako ye, fani lizazi ha ne li pazuzi, ne ku na ni—ni kupazula ko kubeli kwa lizazi; yomuñwi, Mwana, na zuha. Neli fela... ne si fela l-i-z-a-z-i lene li pazula, neli M-w-a-n-a yana zuhile kutisa Bupilo Bobusafeli kwa Peu kaufela ye sepisizwe ya Mulimu yona ya Na boni ka temuhu ya pili inze ili fa lifasi.

⁴² Ne ku sa konahali kuli bupilo bwa limela—limela kwa mulaho kwani kwa simuluho kusina l-i-z-a-z-i bu tahe fa kupila; ha ku konahali hape kuli, kacenu, bana ba Mulimu ha bali mwa lifasi, si lwala Liseli la M-w-a-n-a kuli batiste kwa Bupilo Bobusafeli, baketwa ba Hae ba Na zibile ku sikaba kale mutomo wa lifasi. Na ba ketile ku Yena kasibili ku sikaba kale mutomo wa lifasi.

⁴³ Mi ka la Paseka kakusasana, he, mwa liluli le kokuñwi ne ku lobezi mibili ya luna ka nako yani, kakuli luna lu maluli a lifasi. Mi mwa Lihalimu, ne ku nani Buka ya kupuzo, mi milelo ya Hae neili ku Yena, ka kuziba kuli kakuli yena Mwana Mulimu yo na zuhile, Ne si ka zusa hape kutisa kwa Bupilo mwana kaufela ya na lukiselizwe ona nako ye tuna ye. Na zibile kuli ne ku kaba ona cwalo. Mi ha ki kanya ni yeo kwa butuna ya kupazula kwani kufita mo ne kuinezi kwa simuluho, ka nako yani ha ne li pazuzi pili.

Cwale, fa ku kwalula tuna kwa Liswayo la Paseka le!

⁴⁴ Cwale, kacenu luna ni butuku bwa sifuba, liswayo la Paseka. Batu ba luma liñusa, yomuñwi ku yomuñwi, ni kutusa masheleñi tuna a kamba muzamao, kuli baalafi ni sayansi ya za milyani kuli ibelekele ku sesiñwi, kwa kutibela kamba kutusa butuku bwa sifuba. Ki liswayo, se lu biza kuli liswayo la Paseka, ha lu lumela liñusa ku yomuñwi ni yomuñwi. Kono cwale ha lu

amuhela liñusa, liswayo lani la lobeha, kakuli liswayo kona le li tameleza liñusa mwahali.

⁴⁵ Mi cwale, Liswayo la Paseka ya niti, kwa kupazula kwa, ne li lobehile; mi kunutu, ya Bupilo kasamulaho wa lifu, ne i patuluzwi. Pili nako yani isika fita kale, ha lu zibi. Lifasi ne li i kenyize mwa lififi, ku i kenya mwahala lika, ku akaleza kwa mutu. Litaba za lituto ne li inzi mwa pilu ya mutu, sizo se si bupa bupilwe. Batu ne ba lapela milimu. Ne ba lapela lizazi. Ne ba lapela mifuta kaufela ya milimu. Mi mifuta kaufela ya batu ye ne ipapata, kaufela bona ba kena mwa libita, mi baina mwa libita.

⁴⁶ Kono Liswayo la niti ne se li lobilwe, mi Alimuñwi ya Na kile apila hañwi sina mo lu pilela, a shwa sina mo lu ka shwela, a zuswa kwa bafu. Ki kakusasana o cwani! Haku sikaba kale ni leliñwi le li swana ku lona, mwa litaba kaufela za lifasi. Kunutu ne izibahalisizwe kuli Na li sibeli sa zuho ni Bupilo.

⁴⁷ Mi ki Hali, fani ha Na zuhile kakusasana wani, “Kakuli Na pila, ni mina mwa pila.” Isiñi kuli nali fela Yena anosi ya na tusehile kwa zuho yani, kono Peu yani kaufela yene pumuzi mwa sepiso tuna ya Mulimu ne i fumanzi bunde bwa zuho yani kwa Bupilo. Kakuli, Na ize, “Kakuli Na pila, ni mina mu ka pila.” Kwani neli ku kwaluha kwa Liswayo. Kakuli Na zusizwe, kacwalo mañi ni mañi yali ku Kreste uka zuha hamoho ni Yena.

⁴⁸ Ka kupazula ko ku kanya kwa, Mulimu na pakile, kamba ku bonisa, Linzwi la Hae. Sabo kaufela ni ku kakanya ko ne ku zamaile mwa minahano ya batu ne li zusizwe mwateni, kakuli fani ne ku na ni ya Na kile A pila hañwi, kuca, kunwa, ni ku ikambota ni batu, yana bulezi kuli, “Ni na ni mata aku lobaza bupilo bwa Ka fasasi; Nina ni mata a ku bu zusa hape.” Mi cwale ha ki kuli Na bulezi fela taba yeo, kono Na i nyakisize kuba ya Niti. Oh, ha ki taba kwa kanya ni yeo!

⁴⁹ Ni sepa kuli kakusasana cwana kuli nihaiba luna, baba lumela cwalo, halu koni ku utwisisa butuna bwa taba yani mo ne bu inesi. Kakuli Na zuhile kwa bafu, ni luna hape lu zuhile kwa bafu, kakuli ne luli ku Yena.

⁵⁰ Mulemuhe cwale. Sina sabo hane iapesize lifasi, mi mane lipeu ne li si ke kupila kusina l-i-z-a-z-i kuli lipazule, mi sabo ne iapesize lifasi. Mi cwale M-w-a-n-a na zuhile, mi sabo kaufela ne i matisizwe ka Liseli le, hane Li nze li hasana mwahala linaha, kuya kwa sicaba, kuli, “Ha yo mo, kono U zuhile!” Ha ki—ha ki pulelo ni yeo! Na pakile Linzwi la Hae. Na Li pakile kuli Li be, la niti, kakuli cwale Na sa komile kale lifu, lihele, ni libita.

⁵¹ Bulaalu bwa diabulosi; lifu, lihele, ni libita; kakuli Satani ki yena mutateki wa lifu, ki yena mubuluki wa lihele, mi hape cwalo ni libita. Mi bwani neli bulaalu bwa Satani, bo bu tisizwe ka nto iliñwi, lani neli lifu. Lifu, mu ye kwa libita; mi muli baeza libi, muya kwa lihele. Kaufela taba yateni ki iliñwi, bulaalu bwa

Satani, yeneli lifu. Lene li bulukile mutu mwa butanga lilimo ze kaufela.

⁵² Kono cwale bualaal bwa niti bwa Mulimu, kakuba Alimuñwi ya bonahalile ku Kreste, Yena ya nali Bupilo, mi tamulula Maswayo ni kukoma sila, ni ku zuha, yena Mulimu anosi mi wa niti. “Ki Na ya na shwile, mi Na pila kamita, mi ni na ni linotolo za lifu ni lihele.” Mulimu, ku Alimuñwi, aezwa Mutu, mi a to pila mwahala luna, ni kukoma sila kaufela. Mi apaka kuli bualaal bwa Satani ne bu tuzwi, ni kuli bualaal bwa Mulimu ne bu zibahalisizwe, kakuli ki Mulimu fela anosi ki yena yana na ni mata a kutisa Bupilo hape. Nali yena Emanuele yani. Mulimu na bonahalile mwa nama.

⁵³ Ki kabakaleo Na konile ku banga sicucu kwani, Mateu kauhanyo ya 27, “Mata kaufela mwa Lihalimu ni lifasi a filwe mwa lizoho la Ka. Ni mi luma kuli mube lipaki za Ka, kwa lifasi kaufela.” Na komile hamoho cwalo lifu, lihele, ni libita. Na si Ka eza fela sani; ni kuzwa, ka kukoma, ka mata kaufela mwa Lihalimu ni lifasi. Zani kaufela za nali zona Ndate, kaufela za nali zona Moya o Kenile, ni zeo kaufela ze ne kile za ba teni, nelili ku Yena. “Mata kaufela a mwa Lihalimu ni lifasi a filwe ku Na.” Zeñwi kaufela halina mata. Na li komile.

⁵⁴ Cwale! Mi cwale, isiñi seo fela, Na lumile Linzwi kwa balutiwa ba Hae, balumeli ba Hae. “Musike mwa saba, kakuli ki Na ya Na shwile, mi na pila hape kamita. Mi Ni na ni linotolo za lifu ni lihele; Ni li komile kale. Musike mwa saba ni kamuta, kakuli ya lukisizwe kale kaufela, Peu ye lemuhilwe kale ya Mulimu ika taha kwa Bupilo fani Liseli lani ha li ka hasana mwa lifasi kaufela, la Evangelie ye lukile. Mwa lusika kaufela, Bu ka tisa sicalano seo Mulimu na lukisize kuli Si tahe.” Na sa zuhile kwa bafu.

⁵⁵ Oh, ha ki taba kwa bunde ni yeo, “Na pila, kamba kutiswa kwa bupilo.” Linzwi leo litalusa, linzwi la kuli *kutiswa kwa bupilo*, linzwi la si Gerike leo litalusa sika se “si filwe bupilo kuzwa kwa lifu.”

⁵⁶ Sina—sina peu ye keni mwa mubu, i lukela ku shwa, siemba kaufela sa peu. Si lukela ku bola, kalulo kaufela ya peu. Mi ni kalulo kaufela ya bupilo, bone bu li mwa peu, si lukela kutaha sinca hape.

⁵⁷ Na filwe mata a “kutiswa kwa bupilo.” Ha ki seo fela. “Mi uka luma Bupilo bo bu swana bo ne bu Ni file mata ni na, ona Mata ana Ni zusize mwa libita, Ni ka mi lumela Ona, kuli a mi fe bupilo, kuli ko Ni kaba ni mina mu be teñi.”

⁵⁸ Mwa Luka, kauhanyo ya 24, timana ya 49. Na ize, “Amubone, Ni mi lumela sepiso ya Ndate; kono mu libelete, kamba mulitele, mwa munzi wa Jerusalema, kufitela mu amuhela Mata a zwa kwa Lihalimu.” Ku bonisa kuli ha ki kuli fela Na hohile zende kaufela ku ona, kono Na ikabezi zende zani.

⁵⁹ Na tile ku to pilisa, kamba kutisa Bupilo, yona Peu yene lelilwe pili yani yona yeo Mulimu na boni ku si ka ba kale mutomo wa lifasi na beile mabizo a bona mwa Buka ya Bupilo. Mi fa kaufela bona ba inzi mwa lifasi, kusina sepo; Na si katela fela ku toba Mbuyoti, kono ku to ikabela Mbuyoti ni Peu kamukana yene lelilwe pili. Cwale, haiba nji Peu yani ne i siyo fa lifasi, ne isike yapila. Ne i lukela kuba teni mwa lifasi, mi hape ibe ni mata aku kona kumela. Hakuna taba kamba Inga nako yekuma kai mwa lififi, Ika mela haibile M-w-a-n-a wa monyeha ku Yona. Mulemuhe cwale, Na tilo ikabela Bona ni luna.

⁶⁰ Ki kabakaleo Evangeli ki makande amande. Lona linzwi la kuli *Evangeli* litalusa “makande amande.” Makande amande, sikamañi? Haiba mutu na shwile bakeñisa luna, ao ki makande amande. Haiba Kreste na pepilwe, ao ki makande amande. Kono hakuna makande, kwa li kuba kube ni makande aswana sina aa, a kuli, Yena ya Na file sepiwo u petile sepiwo yeo, kuli, “Wa pila kamita, mi una ni linotolo za lifu ni lihele cwalo, mwa lizoho la Hae.” Sabo kaufela ne i lelekezwi kwahule. Ne ku sina sabo ni hanyinyani yene kona ku bonahala, kakuli Mwana na sa zuhile mwa libita. Ne kusina za kuli, “Kihande, U ka taha, kamba Wa kona kutaha hakulata.” Na sa tile kale, Evangeli, ona makande amande!

⁶¹ Mulemuhe, ona Liñusa luli la Evangeli, Kasibili, ki ku paka kwa sicaba kuli U zuhile. “Mu yo bulelela balutiwa ba Ka kuli Ni zuhile kwa bafu, mi Ni ka kopana ni bona, kuli ni pake se ku bona.” O Mulimu, mo ku kabela mwa lizazi la mafelelezo le kube Liseli hape mwahala lifasi! “Mi Ni ka paka kwa balutiwa ba Ka! A mu yo ba bulelela kuli ha Ni si ka shwa, mi ha Ni sizo batili, kono ki Na Kreste ya pila. Ni ka kopana ni bona. Muise Liñusa le kwa balutiwa ba Ka, kuli Ni zuhile kwa bafu,” kona Evangeli, makande amande.

Mu li, “Ki niti yeo nji?”

⁶² Maheberu 13:8 ibulezi kuli, “Ki ya swana maabani, kacenu, ni kuyakuile.” Luna, lu fumana tuso ya Hae, lu lukela ku paka Bupilo bwa Hae kuli bu teni ku luna cwale, baba tuseha kwa Bupilo bo. Bupilo, kwa li kuba ku piliwe bupilo bo bu cwana; Na li Mwana Mulimu. Mi A shwa, mi sani sa feza lika kaufela; kono cwale ha Na zuhile hape kwa bafu, la kakusasana wa Paseka, konakuli luna, kakuba batanga ba Hae, lu laelwa ki Yena kuli lu ye mwa lifasi kamukana mi lufitise makande ao ku mutu kaufela, kuli Wa pila. Mi cwale lu kona kueza cwani ka Linzwi fela? Kakuli ku ñozwi kuli, “Evangeli ha i si ka taha ka Linzwi feelsa, kono ni ka mata ni ponahazo ya Moya o Kenile, ku to paka kuli Wa pila.”

⁶³ Cwale, haiba nji ku na ni evangeli yeñwi, sina Paulusi ha na ambozi kwa sikuwata sesiñwi, “Ni komokile hahulu kuli mu sikuluhezi kwa evangeli isili.” Mi mane ha ki kuli kuna ni isili,

kono ki evangeli ya tumelo ya ku bupa-bupa, kwa matangu a kopano, ku zwa kwa makande amande ani.

⁶⁴ “Mi kakuli Na pila, ni mina mwa pila. Mi Na pila ku mina, mi misebezi ye Ni eza,” Joani 14:12, “misebezi ye Ni eza ika Ni paka mwahala mina.” Ha ki Liñusa ni leo! Ki kabakaleo, lu bile ni lifasi le li unsufezi la lituto za litumelo, kono mwa nako ya manzibwana ku kataha Liseli hape. Ku ka ba zuho mwa nako ya manzibwana. Ku kaba Liseli mwa nako ya manzibwana.

⁶⁵ Cwale, ona butokwa luli bwa Liñusa lene li lumilwe, la kuli, “U zuhile kwa bafu,” luna baba fumani tuso ya Hae, luna baba ikabela Paseka ni Yena, lu fumana bunde ku se, ka kutahisa kwa lifasi kuli Wa pila. Halu koni kueza sani ka linzwi fela. Halu koni kueza sani ka sizo sesiñwi sa batu. Lu bonahaza fela se lu supa ku sona.

⁶⁶ Na saba kacenu buñata bwa luna ha lu isi sicaba ku Kreste. Lu ba isa kwa keleke, kwa tuto ya za tumelo. Kono lu lukela ku baisa ku Kreste. Ki Yena fela anosi, mi ili Yena fela ya na ni Bupilo. “Yana ni Mwana una ni Bupilo.”

⁶⁷ Mi haiba bupilo bwa mutu ya shwile bu bonahazwa ku mina, mu ka pila bupilo bo bu swana bwa na pila.

⁶⁸ Haiba nji mali a mutu yomuñwi nali a mufuta omuñwi, mi mwa shimba mali a mutu yani ni ku cinca mali a mutu usili ku abeya ku yomuñwi, ni yena ukaba ni mali a mufuta o swana wani.

⁶⁹ Mi haiba moya wa mina oli ku mina u bulezwi kuli u shwile, mi mu tozizwe ka Bupilo bo ne buli ku Kreste, bu inzi ku mina! Maroma 8:11 ili, “Haiba Moya ono zusize Kreste kwa bafu, uina ku mina, Uka fa mata kwa mibili ya mina cwalo ye shwa,” ona Bupilo bo bu swana bwani, ona mata a swana ani, yona tuso ye swana yani, yona ya Na bile ni yona mwa lifasi le, kuzwa ku Mulimu. Na mi liuluzi, Peu yene zibilwe kale ka Mulimu, be mabizo a bona na beilwe mwa Buka ya Bupilo ya Ngunnyana ku si ka ba kale mutomo wa lifasi.

⁷⁰ Mi ona Liseli la Evangelii lani la zuho, bupaki bwa Linzwi! Kana ne lu zibile cwani kuli Nali Kreste? Kakuli Na pakile sa Na bulezi ka sona. Kana Ni ka ziba cwani Liñusa la hola? Mulimu u pakanga Sa sepisize, mi Wa si bulela. Yani kona ponahazo, kuli lu fumana tuso ni Yena mwa zuho. U paka Sa bulezi ka sona.

⁷¹ Sa Na sepisize kueza ku Kreste, Na sepisize zuho. Sa Na sepisize kueza mwa mazazi a Mushe, Na si pakile. Sa Na sepisize mwa mazazi a Enoke, Na si pakile. Mwa mazazi kaufela a ba apositola, Na li pakile cwalo.

⁷² Cwale mwa lizazi le, U paka sa Na bulezi, kakuli ki siemba sa Peu yani yene talusizwe mwa Buka ya Bupilo bona ba Na tilo liulula kukutela ku Mulimu hape. Oh, ha ki Liñusa ni leo!

⁷³ Ka la Paseka kakusasana, isiñi fela kuli Na zuhile, kono sicaba sa Hae ne si zuhile ni Yena. Yena . . . Ne bali ku Kreste fa kutakiswa kwa Hae. Nebali ku Yena mwa zuho ya Hae. Lu sicaba sa bunde bwa Hae, ku fiwa mata kasamulaho wa kushwela mwa lififi.

⁷⁴ Lifasi le li unsufezi le li sa lumeli, koo likeleke ni likopano, ni zeñwi cwalo, ne li lu kashelize kwande. Mi ku na ni sesiñwi ku luna se si biza, "Oh, lu bata Mulimu! Luna ni tala ni linyolwa la Mulimu." Lu kopani ni ba Methodist, ba Baptist, ba Pentekota, ba Presbyterian, ni babañwi kaufela, kono niteni ne ku nani sene si fosahalile, ne lu si ke lwa Li fumana kale. Mi hañihañi fela, hane lu sweli ku bubutela mwa lififi, zuho yetuna ne itile ku luna mwa ponahazo ya sepiso ya Linzwi la Mulimu.

⁷⁵ Sina, Nali ponahazo ya sepiso ya Linzwi la Mulimu. "Hanina ku tuhelela moyo wa Hae mwa lihele, kamba nihaiba kuli Ni si ye Ya kenile wa Ka kubona ku bola." Na Li bonahalize, Linzwi la Mulimu kaufela lene li sepisizwe ku Yena. Na li pakile fani ha Na zuhile ka la Paseka ya kakusasana.

⁷⁶ Cwale, bani bene ba sweli ku bubutela mwa lififi ni ku yambaela kwa ni kwa, haiba ba ka tapa kwa mautu ka lizazi la *kuli*, kamba haiba ba ka buluka lizazi leliñwi, kamba kueza litaba zeñwi za milao, lika zani kaufela li felile. Kakuli, neku na ni zuho ye kanya yene swabisize taba kaufela ya ku i pangela kwa mutu yene kile ya ba teni, libaka kaufela la ipangezi mutu.

⁷⁷ Neku si ka ba kale, kwa nako yani, mutu yana kona ku lobaza bupilo bwa hae ni ku bu zusa hape. Na nyazize ponahalo kaufela ya sayansi yene ba nani, ka ku zuha hape.

⁷⁸ Ha ba bulela, kuli, "Jesu Kreste ki ya swana maabani, kacenu, ni kuyakuile," kuli, "Mata a Hae ha ki a swana," bali, "Evangeli ya Hae ha ki yeswana," fo Bibebe haibulela kuli Ki ya swana! Mulimu na swabisize kopano kaufela, tuto ya tumelo kaufela, mi A zwelapili cwalo ni Moya o Kenile wa Hae, sina mwa Na sepiselize, ni ku lu pakela, kuli Wa pila.

⁷⁹ Luna lu bo muca sanda sa zuho ya Hae, ku fiwa mata kasamulaho wa kushwa mwa lifasi, mwa sibi ni bumaswe. "U lu file mata hamoho ni Yena, lu zusizwe ni Yena, cwale lu inzi libaka za Mahalimu ku Kreste Jesu." Wa lu tisa . . .

⁸⁰ Moya wa Hae u tisa ona Bupilo bwa Hae bo bu swana hape mwa lifasi. "Haiba Moya wa Mulimu, ono zusize Kreste," mibili, ona mibili otozizwe; haiba nji Moya wa Mulimu no tozize mibili wani mwa mufuta wa kuli, fani Peu yani hane iwezi mwa mubu, Na si ke ku Mu tuhelela fela mwani. Batili. Na Mu file mata akutiswa kwa bupilo ni ku Mu zusa. "Ona Moya o swana wani," ka misebezi ye swana, ka Mata a swana, ka lisupo ze swana, "aba ku mina, Ni ka mu zusa ni yena."

⁸¹ Ni tabela ku mi balela Liñolo nyana fa. Ni tabela kuli mu apule mwa Liñolo leliñwi le Ni nani leli ñozwi fa. Li ka mi tusa

hanyinyani. Li fumaneha mwa Buka ya Levitike, kauhanyo ya 23, timana ya 9 kuisa ku ya 11. Muteeleze hande. Mwa mulao, mulao wa Malivi, Mulimu wa bulela ku Mushe. Muteeleze. Liki ze kaufela ki mifuta cwale, mi lu ka yemela ona fa mwa nako nyana kuli lu kene mwa mufuta wo.

Mi MULENA abulela ni Mushe, ali,

*Bulela ni bana ba Isilaele, uba ambote kuli, Ha mu
ka...taha mwa naha ye Ni mi fa,...*

⁸² “Mwa sibaka, sona siyemo, yona ye Ni mi file. Cwale u bulele kwa bana ba Isilaele, kuli ha mu ka kena mwa sibaka se Ni mi sepisize kuli Ni ka mifa sona, ha mu ka kena mwa naha ye.” Cwale lu ambola ka nama fa, ku swanisisa ku za moyo.

...mi mu ka kutula ya mwateni (mu amuhezi se Ni mi bulelezi kale), konakuli mu ka tisa ñata ya mutamu wa miselo ya kutulo ku muprisita:

*Mi u ka bonisa ñata yeo ku MULENA, kuli bu a muhelwe
ku mina: habusa kasamulaho wa sabata muprisita uka i
bonisa.*

⁸³ Haiba ku ba mukiti wo kenile, ulukela kutaha ka la sabata, lene lili lizazi la bu sebene mwa biki, ili la Pelekelo. Kono kana mu lemuhile, mwa kupuzo tuna ye, kuli ba i bonise ka lizazi la pili mwa biki?

⁸⁴ “Ñata, yeneli peu ya mina ya pili ye mu cezi, hane i hulile ni kubuzwa, mu mwete ñata ye ni kuisa ku muprisita. Mi aikungele yona ni ku i bonisa ku Mulena, kwa kamuhelo ya mina, kuli mu amuhezwi. Mu tile ni ñata ya mina, mi ulukela ku i bonisa fapila Mulena, la...”

⁸⁵ Isiñi la sabata, lizazi la bu sebene; kono ka lizazi la pili, leo lu biza kuli la Sunda, S-u-n-d-a.

⁸⁶ Kakuli, lani ki—ki linzwi la si Roma, ili leo ne ba biza kuli ki mulimu wa lizazi. Kono mo se li cincelizwe!

⁸⁷ Haisali l-i-z-a-z-i ni hanyinyani. Ki l-i-z-a-z-i la M-w-a-n-a, lizazi la M-w-a-n-a, kuli ona sikunka sa Buloto sani (Mweeli wa Mulimu ya zwa kwa bafu) ulukela ku bonahazwa kwa kopano, kuli lu Peu ya Hae; mi yani ki Peu ya pili ya bene ba lobezi, ku bonahazwa ka zazi la pili la biki. La Sunda, A zuha. Ku bonahazwa kuli musiyale foo, mi a kambamela kwa Lihalimu, mwahala sicaba.

⁸⁸ Mulemuhe, Neli sikunka sa pili sa Buloto bwa Mulimu bo ne bu zusizwe kwa bafu, sikunka sa pili sa Buloto bwa Mulimu. Ka Mata a Mulimu atisa bupilo, Mulimu na file mata kwa bupilo bwa Hae, a Mu zusa kwa bafu, mi Na li yena Mutamu wa pili ku bani baba lobezi, Mutamu wa pili. Nali yena ñata yani.

⁸⁹ Ki kabakaleo neba na ni ku bonisa ñata yani, kakuli neli yona ya pili ku ze ne buzwize. Mi ne i bonisizwe kakuba kupuzo

ya buitumelo ku Mulimu, ka ku lumela kuli babañwi ba ku bona kaufela ne ba taha. Neli sisupo.

⁹⁰ Mi, kacenu, kakuli Na li yena Mwana wa mweli wa Mulimu kwa kutaha kwa buhulu, kuli abe ku Mulimu, Na kumuzwi kuzwa mwa lifasi mi aboniswa kwa sicaba. Oh, ha ki tuto kwa kanya ni yeo! Ka Mata atisa bupilo, yena wa Pili! Nihaike, Na—Na swanisizwe; mi linako zeñata, sina halu ka bona kasamulaho nyana, kuli Na swanisizwe. Kono yo neli yena Mutamu luli wa pili wa bene ba lobezi. Na bonahalizwe fahalimwa Peu ya sepiso yene na ni sepiso ya Bupilo.

⁹¹ Na bonahalizwe ka Lizazi la Pentekota, “fani hane kutile muhuwo kuzwa kwa Lihalimu sina liñungwa la moyo omutuna, moyo wa liñungwa o mata,” mi na bonisizwe kwa batu, sicaba sa pentekota bani bene ba nanuhile kwa Pentekota, ku libelela Mbuyoti kuli i tahe.

⁹² Ni ku boniswa hape, lwa lemuha, mwa lizazi la maungulo, kuya Luka 17:30, mwa lizazi Mwana hape, “mwa lizazi la ka patululwa M-w-a-n-a mutu,” kamba ku bonaliswa hape kwa sicaba.

⁹³ Cwale, Mwana mutu ki Mañi? “Kwa simuluho ne kuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi la ezwa nama, mi la to yaha ku luna.” Mi kambe lituto kaufela ze lu nani, ni tiisezo ya Linzwi la Mulimu; ka Linzwi la Mulimu, ka lisupo, ka ze komokisa, ze lubona kacenu, kuli mwa Buka ya—ya Luka mo, kuli sina ha lu sa zo i bulela, kamba yona—yona Luka kauhanyo ya 17 ni timana ya 30; ni Malaki 4, ni Mañolo a shutana amañwi o lu ziba hande, kuli Linzwi lani hape la bonahazwa kwa batu, kuli lizo ze shwile za batu lishwile, ni kuli Mwana Mulimu wa pila hape ni kolobezo ya Moya o Kenile mwahala luna, mi wa lufa Bupilo.

⁹⁴ Sina Kreste mwa na bezi wa Pili kwa ku zuha, kuzwa kwa bapolofita kamukana, ni babañwi cwalo; nihaike nge na swanisizwe mwa libaka zeñata, Nali yena Mutamu wa pili wa bani bene ba lobezi. Ku Munyaliwa, kutaha kwa Kreste, inza zwa mwa keleke, ku lukela kuba ni Ñata ye ka boniswa hape mwa mazazi a maungulo. Oh, mawi!

⁹⁵ Ku bonisa kwa ñata! Ñata yani neli sikamañi? Yena wa pili yana tilo fita fa kubuzwa, wa pili ya na pakile kuli neli buloto, sani ne si bonisa kuli neli ñata.

⁹⁶ Haleluya! Na sepa mwa bona se Ni bulela ka sona. Ne si bonahalizwe kwa sicaba. Mi nako yapili ku ka taha, kwa lusika lwa Munyaliwa, kwa zuho ye ka zwa mwa kuonga-ongwa kwa likopano, ku kaba Liñusa, la kuli kubuzwa kokutezi kwa Linzwi kutile sinca hape mutalelola wa Mata a Lona, ni ku boniswa kwa sicaba, ka lisupo ze swana ni ze komokisa za Na ezize kwa mulaho kwani.

⁹⁷ “Kakuli Na pila, ni mina mu ka pila,” u ambola ku Musala Hae. “Kakuli Na pila, ni mina mu ka pila.” Neli zuho yecwañi yani! Mi ki zuho yecwañi ye, ku fiwa bupilo kuzwa kwa bafu, “ku ezwa ba bapila ku Kreste Jesu,” ka Mata a Mulimu afa bupilo.

⁹⁸ Na bonahalizwe ku bona. Yena Linzwi, sona sa Na li sona, ne li bonahalile ku bona ka Lizazi la Pentekota, Linzwi ne li bonahalizwe. Cwale, mi Ni li, Li lukela ku boniswa hape mwa lizazi la maungulo. Cwale, ka mutuala . . .

⁹⁹ Mu li, “Kihande, cwale, litela fa muzuzu, Muzwale Branham. Ni ziba keleke ya kuli . . .” Kihande, Na ziba, nina. Mwabona?

¹⁰⁰ Kono cwale, ka mutuala, ku cwani kambe—kambe ne lu ka kutela kwa Tucson musihali wo, cwale, mi mañi ni mañi wa luna na kaba ni . . . na ka ba ni—ni Cadillac yetuna, ye nca? Mi lipula kaufela ze pangilwe fa—fa litalo la kwalata, mukata o bunolonolo, mi ze bunolo ku zona; mi kambefafasi ne ku kabisizwe ka bukwala bo bu feza mali hakalo; mukoboco kambe ki wa pipi ye tible ye benya mi una ni litamiso za daimondi kupotoloha kaufela; mi injini ne ika tatubiwa ka tokomelo ya bo mapangapanga kuli ki injini ye lukile; mi kambe mawili na kaba a . . . kaufela ona abe ni malisawa ni mafula; mi mataya abe a sa koni ku panca kamba ku pompoloka; mi kaufela zona li tatubilwe hande ka sayansi.

¹⁰¹ Abeilwe hande ka kunonganisa hande mwa swanelo, sibeli sa ona, ni sibeli sa ona abe ni mafula a mota. Ani kona mata a ku zamaisa, mafula a mota, kakuli ku ona kuna ni kalulo ye paka butokwa bwa mafula. Kono cwale ha ne mu ka liza, nihaike nge sibeli sa zona neli ka bonahala kuswana, kono kuna ni yeñwi ya zona ye si ke kutunya mulilo, ona mata a ku tukisa.

¹⁰² “Kihande,” mu li, “mata ainzi mwa mafula, Muzwale Branham.” Kono ha Ni na taba ka mata ainzi mwa mafula; kwanda kuli kube ni mulilo mwahali mwani o paka mata ani, konji haiba kuna ni mata mwani apaka kuli ani ki mafula, mwendi hakulata akona fela kuba mezi. Kufitela . . .

¹⁰³ Hakuna taba kamba baituti za bumulimu ba ka ipapata cwani, ka mo mu beezi keleke ya mina hande, ni buñata bwa tuto ye mu nani, ka buñata luli sina Bibebe; kufitela ona ku boniswa kwa ñata yani, kufitela Moya o Kenile utaha fahalimwa mutu yani ku to beya mata fa Linzwi lani! Mafula a yemela Linzwi. Ki yona Niti; kono, kusina Moya, Halina ku shenya.

¹⁰⁴ Lu beile hahulu buikatazo bo buñata fa Libelekiso mi ko kutokwa ni sika fa Mata. Li tokwa Mata a ipitezi a Mulimu, Mata a zuho ya Jesu Kreste fa Keleke, apaka ni kutisa kwa ponahazo ya kuli A kona mafula. Ikona kuba mwa singongolo sa mafula; ikona kuba mezi, mwabona. Kono bupaki fela bwa teni, ki, kubeya Bupilo bo fateni, mi Bu ka paka haiba ki mafula kamba nee.

¹⁰⁵ Mi ha mu lika kubeya Moya o Kenile mwa kopano, fohe musweli fela kulika...Mwa kona kuba ni kutima-tima; mu ka sinya injini ya mina, ni kuifasa ka moyo o bizwa kaboni.

¹⁰⁶ Kono, oh, Ni tabezi hahulu kuli kuna ni Mata alikana butokwa bwa mafula bo bu fita fa teni sauzande, Linzwi la Mulimu ni Moya o Kenile kuli u A tumbule, ni ku zusa Mata a Mulimu mwa bupilo bwa muuna, kamba bupilo bwa musali, kamba mwa keleke. Sani ne si ka kasheza Cadillac yani kwa matuko a mukwakwa, mwatasa Mata libelekiso za Moya o Kenile o no kutile ni wa boniswa hape kwa sicaba ka Lizazi la Pentekota, ku Mu eza ya swana maabani, kacenu, ni kuyakuile.

¹⁰⁷ Ne ku bile ni Ņata ya pili yene zwile mwahala bapolofita kaufela, ya nali Mwana Mulimu, yena Mulena wa bapolofita.

¹⁰⁸ Ku se kubile likeleke, likeleke, banyaliwa, banyaliwa, likeleke, banyaliwa, banyaliwa.

¹⁰⁹ Kono ku lukela kutaha Alimumu! Haleluya! Ku lukela kutaha Munyaliwa wa niti! Ku lukela kutaha Alimumu isiňi ya na ni fela Libelekiso, kono ni Mata a Teni, aeza Keleke yani kuli ipile, ye ka zamaya mwa Mata a zuho ya Hae. Kufitela lu taha fa sibaka sani, kufitela lu fumana sibaka sani, ki bunde maňi bo bu liteni fa ku kabisa libaka zetuna? Ki bunde bufi bo bu liteni fa ku panga sifateho ku bonahala bwanana kamba musebezi wa sishemo, ha ku sina Mata ku zona? Hakuna taba kamba Libelekiso li paka cwani kuli li lukile, ku lukela kuba ni Mata kuli Li kone ku beleka.

¹¹⁰ Sani kona sa Na pakile! Haleluya! Sani kona Paseka sene i pakile. Na si fela Linzwi, kono Nali Mulimu yena Kasibili, Mata, mwa Linzwi. Sani ne si ezize mubili wa Jesu Kreste (kubata, kutiya, ni ku shwa, mwa libita) ku nyungana mwa Bupilo ni ku zuha hape, ni ku pikuluseza licwe ku sili. “Ne Ni shwile,” ku shwa luli konji mane ni lizazi ha li bulela kuli U shwile, kweli ya bulela kuli Na shwile, linaleli za bulela kuli Na shwile. Pupo kaufela ya bulela kuli Na shwile. Mi cwale lifasi kaufela li lukela ku lemuha kuli Wa pila hape. Na si fela Libelekiso, Linzwi la Mulimu, Na li yena Mata ana Li pakile.

¹¹¹ Mi sina Yena, kakuba Munyali, Munyaliwa u lukela ku taha, kakuli Ki wa siemba sa Hae. Mi I kona fela kuba bupaki bwa ku taleleza sinulo kaufela ye bulezwi ka Munyaliwa; I kona fela ku paka cwalo. Haiba si eza sika se si shutana ku Munyali, kona kuli ha ki Munyaliwa. Kakuli, Yena ki nama ya nama ya Hae, lisapo la masapo a Hae; Bupilo bwa Bupilo bwa Hae, Mata a Mata a Hae! Musali uswanile Yena! Sina muuna ni musali habali alimuňwi, mi musali u zusizwe kwa makupo a hae; U ngile kwa Moya, ona Moya wa busali, ozwa ku Yena. Nama ye zwelela kwa makupo a Hae, ze pangilwe ka sibeli sa Libelekiso ni Mata, yena Musala hae. Ki Moya wa Hae ni nama ya Hae, ni ku libeya hamoho, mi lipangile Libelekiso ni Mata. Kufitela keleke kamba sicaba . . .

¹¹² Tushakame to twa Paseka kaufela, ni mikiti, ni likeleke zetuna, ni mikabo yeminde, li ka palelwa ni ku fela.

¹¹³ Kufitela Keleke yani iba ni sibeli sa Libelekiso ni Mata; mi ni Moya wa Mulimu, o no Mu zamaisize, kueza lika za Na ezize! Haiba A nata fa ma silinda a sikisitini, konakuli ni Munyaliwa uka eza ze swana. Amen! Kakuli Na bulezzi cwana, mwa Joani 14:12, “Ya lumela ku Na, misebezi ye Ni eza ni yena uka ieza. Ni ka mufa ku ba ni Mata a Ka, mwa Libelekiso za hae, ao lifasi halina ku paleliswa; mi Ni ka mu zusa hape ka lizazi la mafelelezo.” Leo kona Liñusa la Paseka, Mata ni Libelekiso, hamoho! Libelekiso ze sina Mata, halina bunde; kamba mane nihaiba ona Mata, a sina Libelekiso.

¹¹⁴ Wa kona kutaza lilata ni ku huwa, ku tula tula mwa halimu ni fafasi, kaufela ze ubata kueza, ni ku latula Linzwi le, halina kueza bunde bufi kaufela. U sweli fela ku potoloha fa—fa lisipi za... Una ni mulilo o tatalakana kuli utuke, kono hauna mafula a kutumbulisa.

¹¹⁵ Liki beleka fela ha lika taha hamoho. Amen! Kacwalo, sesiñwi si ka ina si kuzize, mi Sesiñwi si ka nanuha. Sani kona sika fela se si liteni ku zona. Niteni, sibeli sa zona likona ku bonahala ku swana, sibeli sa zona li ipapata kuba likeleke, sibeli sa zona li ipapata kuba Munyaliwa. Kono Yomuñwi una ni Libelekiso *ni* Mata, Li ka tisa lika ku ezahala, ka za Na bulezzi kuli kona Niti.

¹¹⁶ Fela halina ku shenya, hakuna taba ka bunde bwa Libelekiso mo bu inezi, kufitela Mata atahe. Mi Mata ha sa tile, Mulilo wani uka tiswa ku swalana ni butokwa bwa mafula ani. Mi cwale Sani ha si panca, si tukisa mulilo, mi kipeto ona kutumbuka kwani ku tiseza buino kaufela ku shenya, muzamao kaufela, kakuli Yena wa swana maabani, kacenu, ni kuyakuile. Yani kona zuho. Ani kona Mata a Mulimu a niti, Libelekiso *ni* Mata. Mulemuhe, “Ki Moya o fa mata a pilisa.” Ki ona—ona Mulilo wa ku tumbulisa. Ha ki buino bwa mafula bo bu tukisa; kono ki Mulilo o tatalakana kona o tukisa mafula. Mwabona?

¹¹⁷ “Hakuna se mu kona kueza Na ni li siyo; kono ka Na mukona kueza linto kaufela.” Sina Yena hali Linzwi, Ki Ndate ya pila. “Ndate u Ni lumile, kacwalo Na mi luma ni na. Sina Ndate ha Ni tukisize ni ku Ni kasheza mwa lika kamukana, Ni eza fela se si tabisa ku Mulimu. Cwale, sina Ha Ni lumile, kacwalo Na mi luma ni Libelekiso ze swana, mi si lwala Mata a swana kwa ku Li belekisa. Mi lisupo ze li ka latelela baba ipulela kuli bana ni Libelekiso. Mata aka nga sibaka sa Zona.”

¹¹⁸ Paulusi naize kuli, “Evangeli ha i si ka taha ku luna ka Linzwi fela,” ka mafula fela, “kono ka Mulilo o tatalakana hape,” kuli a Li zamaise. Ki fo he cwale. Ne li tile ku luna ka nzila yeo.

¹¹⁹ Ki Moya o swana, o no Mu zusize, o no file mata a pilisa ku mulumeli wa niti Bupilo Bobusafeli. Cwale muhupule, ka mo

ku inezi . . . Cwale mutualime, halunze lu felelwa ki nako ya luna. Mulemuhe, “ona Moya o swana,” cwale, Maroma 8:1. Cwale ha lu i baleňi yani hape, mwa Maroma 8:1, mi lu ka bona seo i bulela. Ku lukile. Mi isiňi Maroma . . . Ni talusa, 8:11, Mu ni swalele.

¹²⁰ Mwa Maroma 8:11, “Kono haiba . . .” Bwani kona butata. Ki kwani ku swala kwa Hae.

Kono haiba Moya wa hae (Mulimu, yena Moya o Kenile) o no zusize Jesu kwa bafu uina ku mina, . . .

¹²¹ Cwale, ki fo he cwale, “Haiba nji Moya wa Munyali uina ku Munyaliwa!”

¹²² Fani Mulimu hana ezize munyali wa Hae pili, Na bupile munyali pili, mi nali zepeli cwalo muuna ni musali, mwa moya; a mu bupa ka liluli la lifasi, ku mu panga sibyana se si swalawa. Mi a mulemuhe fani ha Na ezize Eva, kuzwa ku Adama, Na si ka nga lizupa leliňwi, Na zusize kwa siemba se si swana sa lizupa; lona Linzwi leli swana, kakuli Adama neli Linzwi leli bulezwi. Mwabona? Na zusize ku yena, mi cwale a zusa . . . Nana ni moya wa buuna ni wa busali. Mi ki Ha zusa moya wa busali ku Adama, mi a u beya ku Eva; konakuli isali siemba sa moya wa Adama, ki nama ya Adama. Kasamulaho, neli moya wa Adama, ona mata, ana file bupilo kwa libelekiso za mubili wa hae.

¹²³ Kacwalo he Munyaliwa ni yena ulukela nama ya nama ya Hae, ni lisapo la lisapo la Hae. Konakuli mubili o shwa wo uka ba cwani mubili wa Hae? Luka fita ku zeo fa muzuzu fela, mwabona. Li ezwa cwani? Cwani? Cinceho tuna ye ki sikamaňi? Mulemuhe.

Cwale haiba Moya wa hae (Mulimu) yana zusize Jesu kwa bafu uina ku mina, yena yana zusize Kreste kwa bafu uka zusa ni mibili ya mina ye shwa ka Moya wa hae opila ku mina.

¹²⁴ Oh, mawi! Yena Ya lemuhilwe kuzwa kwa simuluho, ka niti, sina Peu ye wezi mwa mubu, yena ya Na ni Bupilo ku yena. Buňata bwa bona ne ba shwile; neli fela lipeu ze bolile; mezi ni lika zeňwi ne li icisize. Kono, mwa ziba, ne kuna ni Peu ye ne ili mwani yene libelela Bupilo. Mulimu na zibile kuli Ne i liteňi mwani.

¹²⁵ Cwale, bona bene Ba lemuhile isali kwa makalelo ki bona ba pili kwa ku fiwa mata a pilisa ka Moya o Kenile, kakuli Moya o Kenile utile ku to pilisa beli Bona Kasibili. Cwale, se si tibile cwale, mi mubone kuli mwa utwisisa se hande luli.

¹²⁶ Cwale, sina lizazi hane li lumilwe kutaha mwa lifasi, isiňi kutisa macwe, ene ali a masila hape, kwa bupilo, ne si kutisa masila kaufela kwa bupilo, kono neli kutisa siemba sa masila sene si apesizwe mwa bupilo.

¹²⁷ Ha ki batu kaufela baba ka amuhela Kreste. Oh, batili. Kono ki bao fela Mulimu na lukiselize Bupilo, baba sa kwahezwi ki

masila a lifasi, ya cwalo ki Yena yo A taha ku to fa mata. Bao ki Bona.

¹²⁸ Sani, cwale, masila ani aka ina mwa lizazi mwani, ni kubulela kuli, "Oh, lizazi la kale le li cisa hahulu!" Lani ki licwe, le li bulela kuli, "Lizazi la kale le li cisa hahulu!" Kono peu ye nyinyani yani, ili, "Sani kona se Ni libeleta," mi kipeto ya kala ku mela kutisa bupilo. Si fa mata kwa siemba sa masila sani. Kakuli, lizazi ne li si ka lumelwa ku to pilisa macwe, isiñi ku to pilisa masila, kono neli ku tisa mata a pilisa kwa lipeu.

¹²⁹ Cwale, Moya o Kenile wa taha cwale. Ka niti, Ne u si ka lumelwa... Ki kabakalañi batu kaufela ha ba si ke ku U amuhela? Ne li si ka lumelwa ku zona.

¹³⁰ Mutangana yomuñwi a ni bulelela ali, "Na hani lumeli. Hanina taba ka se u ka bulela. Haiba wa zusa bafu, kamba sika kaufela, ni ku folisa bakuli; ni ku Si paka, ni ha kuba cwalo; Na ha ni Li lumeli."

¹³¹ Se nili, "Kaniti kutokwa. Wena ha u lumeli. Ha si talusi sesiñwi ku wena. Ne li si ka lumelwa ku wena mane. Li lumezwi ku baba lumela."

¹³² Liñusa ki la mulumeli. Ku baba shwa, Ki butanya; kono ku bani babali ku Kreste, ni siemba sa Peu yani, Ki Bupilo.

¹³³ Likande la ka la kale ka za mulimi yana beile lii, kamba lii la mbande fo ne ku bubami kuhu. Mwabona? Lii leli nyinyani lani, kaniti, ne li la—ne li bonahala kuipitela, sibupiwa sesinyinyani. Fani mulimi yo hana ezize taba yana ezize yani, kubeya lii nyana le mwatasa nasikuku yoo. Mi ki ha ndondola kazwinyani kene ka bonahala ku sehisa cwalo, mi neli ka—neli kaka ipitezi, ka bupiwa kaka nyinyani. Ne ka sa bonahali sina totuñwi. Mafufa a kona na sa swani sina totu siyezi twani, mi ki ha—ki ha sa... Ne ka li ka buipiteli, mo ne ka bonahalela. Mi haili likuhu zeñwi za to ka lemuha kanto ka. Mi me wa kuhu apotoloha kwa ni kwa...

¹³⁴ Mane ne ka sa tabeli lico zene ka fiwa. Ne ka sa tabeli ku fatanga mwatasa patelo. Kona, ne ka sina sa kueza ni zona. Kacwalo ka komoka kuli ki sikamañi hane ka shutana mwahala zona mwani, niteñi. Mwabona? Mi ne ka si ka ca sika kaufela sa... Ne ka icela fela ze ne kona ku ka pilisa, kakuli ne ka sa tabeli mo ne lu utwahalela, mwabona. Kakuli, ne ka si kuhu, ka ku kala. Mwabona?

¹³⁵ Mi haili—mi haili kuhu ne i kona kufata, mi, mwa ziba, "Mazazi a limakazo a felile. Hakuna taba ye cwalo. Mu i kopanyi kwa keleke." Ne li sa utwahali fela hande, kwa kacaha ka sesiñwi kani. Kacwalo ka latelela me wa kuhu yani kufitela zazi leliñwi bo mahe...

¹³⁶ Mbande ya mushemi ya lemuha kuli neibeile maii amañata luli, mi ne ku na ni lene li tondahala. Ki ha ziba kuli mbande yani neli li teni kokuñwi, kacwalo akala ku yo li zuma. Mi a zengaana

fahalimwa lilundu, ni mwa mukulo mwa mabala, ni kaufela kwa na swanelu kuba. Ka nako ye, yena, neli nako cwale ya kuli a pepwe. Neli nako ya kuli a ndondoke. Ali, “Mwendi liñwalala litilo shimba lii la ka; mwendi ki linoñu. Ha ni zibi. Kuna ni se si pamuzi lii la ka. Kono Na ziba . . . Lii lani liteni mwa muhupulo wa ka. Ni na ni mwana wa mucaha kokuñwi. Ni lukela ku mu bata bata.”

¹³⁷ Ni Mulimu ki mwa ezezanga. Ki Yena Mbande Yetuna yani. Mwa mihipulo ya Hae Na zibile kuli Uka ba ni Keleke. Na zibile kuli Uka ba ni sicaba. Hakuna taba ka se si ba swasize, hakuna taba kamba ne ba ndondolezwi mwatasa sesiñwi, Usweli wa zuma. Usweli ku zuma be ili ba Hae Luli.

¹³⁸ Mi ka zazi leliñwi, likande la zwelapili, mbande ya mushemi ye ya fufela fa halimwa patelo. Ne isweli ku talime kai ni kai, mi ya ka fumana. Oh, kwa zuho yani, ka kulemuha kuli ne ka si kuhu luli, nihakuba cwalo. Ne kali ka mbande! Mi ne ka lutilwe ku talimangafafasi kamita, ku bata-bata kokwani kamba nto yeñwi mwa patelo. Kono ka utwa muhuwo, ono iize, “Talima mwa halimu *cwana*!” Mi se ka i nuka katalima fahalimwa kona, mi ki sani fani sibupeho sene si na ni mafufa alikana liñokolwa ze fotini kwa butelele, se si mata luli kufita likuhu ze ne liteni mwa patelo, mi sa bulela kuli ne kali kana ka yona.

Se kali, “Ima, kana Ni ka fita cwani ku mina?”

¹³⁹ Ali, “Tula fela, kala ku nata mafufa a hao, kakuli wena u mbande.”

¹⁴⁰ Mwabona, ne i zibile kuli ne ina ni mwana kokuñwi. Hakuna taba ka mo ka hulezi, ina ni mwana kokuñwi.

¹⁴¹ Mi Mulimu wa ziba! Haleluya! Una ni Keleke ye lukisizwe, mi ye lemuhilwe kale! Na zibile kuli Una ni bana ba bashimani ni ba basizana, mi Munyaliwa, u libelezi kokuñwi; mi Moya o Kenile ha ukala ku fufa-fufela fa teni, ona ku bonahazwa kwa Ñata kwani. Oh, mawi! Ki ya swana maabani, kacenu, ni kuyakuile. Ha ki likande fela la litangu, kono ki niti!

¹⁴² Hakuna taba ka buñata bene ba likile ku mu bulelela, “mbande,” na sa zibi kuli mbande neli sikamañi. Ibo, na li yena mbande. Na sa utwisisi kufitela ato bona se si swana ni yena, sa na swana ni sona, nitaluse.

¹⁴³ Mi cwale ha lu bona, isiñi kopano, isiñi Ph.D., isiñi LL.D., isiñi muyaha tuko yomunde; kono mwana Mulimu ya bupilwe mwa siswaniso sa Mulimu, ka Mata a ipitezi a Mulimu akona ku alaba kupo ya lizazi le, kuli ki Ya swana maabani, kacenu, ni kuyakuile, hakuna kuhu ye ka mi swala. Wa zuma Mahe. Yena ki mbande, ka kukala. Wa lemuha seo. Mbande ya niti ye ika lemuha pizo ya Linzwi la Mulimu. Kiñi? ki mbande. Mbande kwa mbande! Linzwi ku si kaba kale simuluho, Linzwi kwa Linzwi! Linzwi, le li lemuhilwe, kwa Linzwi le li ñozwi la hola yateni. Mu lemuhe sibaka sa mina. Usweli wa Li zuma.

¹⁴⁴ Se cwale, mubili wa lifasi wo, u filwe mata a pilisa mi utisizwe ka Moya o pilisa wa Mulimu kwa kutwela Linzwi la Mulimu.

¹⁴⁵ Kapili. Fani ha na bata kuziba mwa na ka fitela ku mahe, na lutilwe kuli ha koni kueza cwalo. “Haukoni ku ya hahulu mwa halimu ku fitelela siyemo so kona ku tula.” Ki kuhu. Mwabona?

Kono mbande ye yali, “Ha ki cwalo.”

“Kihande, mutualime likuhu!”

¹⁴⁶ “Hakuna taba kamba likuhu licwani, wena u mbande. Kala fela ku namulula mafufa ao, mi ube ni ku a twaeza nyana. Kala ku pahama nyana!”

¹⁴⁷ Linzwi kwa Linzwi! “Misebezi ye Ni eza ni mina mu ka ieza. Ya lumela ku Na, misebezi ye Ni eza uka ieza ni yena.” Mwabona? “Kakuli Na pila, ni yena uka pila cwalo.” “Mi haiba Moya wo no Mu zusize kwa bafu uina ku mina, Uka pilisa mubili wa mina wo shwa.” Mwabona?

¹⁴⁸ Si eza sikamañi Sani? Cwale amuteeleze, ili kuli mu zibe. Mi ona Paseka ye, Ni bata kuli i taluse hahulu ka butuna ku mina kufita Paseka kaufela mo ikile ya ezeza. Mwabona? Ni bata kuli mu i bone. Lwa ziba sene I ezize ku Yena; kono Ni bata kuli mu i bone, isiñi se i ka eza, I ezize taba ye swana ku mina. Mwabona? Ki sikamañi se I eza? Ya fa bupilo bwa mubili. Ona mubili wo shwa o lupila ku ona wo, Ya ufa mata a pilisa, ka manzwi amañwi, ya u tisa kwa Bupilo.

¹⁴⁹ Cwale, mina baba kile ba zamaya fateni ni mushanga o mutuna mwa mulomo, ni lika kaufela, kamba sikwakwati sa kwai; ni mina basali bene baba kile baba ni milili ye mikuswani, ne muipenta, ni kutundamena cwalo, ni kutinanga tuputula, ni lika ze swana sina cwalo; ka nako iliñwi fela, Sesiñwi sa to huwa, mi mwa talima kwatasi kwani mi Neli Linzwi. Mwabona, Ne li pilisize . . . Mu mwali, “Hakusana tuputula hape ku na, hakusana bucwala hape ku na, hakusana kupuma, hakusana ku uzwa, hakusana *se, sani*.” Mwabona? Moya o no Mu zusize kwa bafu, ha upila ku mina, uka tisa ni mibili ya mina hape, lona liluli la lifasi, mwa ku ipeya ku utwa. Mwa bona? Ki sikamañi seo? Ku ipeya kuutwa sikamañi? Kreste. Kreste ki mañi? Ki Linzwi. Isiñi tuto ya za bulapeli, kono ki Linzwi!

¹⁵⁰ Mi mu ka bulela, kuli, “Lika ze, oh, Ni sepa ku lukile kuli basali batine tulukwe.”

¹⁵¹ Mi, Linzwi libulezi kuli, “Batili.” Mwabona, La mi pilisa ku Sani. Mwabona? Mu hohezwi ku Sona. Mwabona, ki mina, fo cwale. La fetuha . . . Mu ba siemba sa Linzwi. Li tisize mubili wa mina, isiñi . . .

¹⁵² Kihande, mu li, “Kihande, cwale, tuhela ni ku bulele taba yeñwi. Mulisana wa ka . . .” Hanina taba ka sa bulezi mulisana wa hao; ki seo Linzwi li bulezi! Haiba nji ubata kuba kuhu,

zwelapili ni yena. Kono haiba nji mulisana ubulela ku shutana ni Linzwi le, konakuli ha ki mufepi wa limbande; uh-huh, ki mufepi wa likuhu, mwabona, isiñi wa limbande. Mwabona? Mbande icanga Lico za limbande. Mwabona? Za pilisa!

¹⁵³ Bibebe ibulezi kuli ku fosahalile kueza sani, ni muuna ni zeñwi cwalo ni se mu eza mina kaufela, li fosahalile. Muli, “Mazazi a limakazo a felile.” Bibebe ibulezi kuli Yena wa swana maabani, kacenu, ni kuyakuile. Ha ba kali, “Koo ki kunuha fela ka booko. Mi ki mufuta omuñwi wa ku bala minahano ya batu, ona temuho ye. Ni lipono ze kaufela ni zeñwi, ki bukuba,” mwabona, bao ki likuhu. Ha ba zibi seo Lico za limbande lili sona.

¹⁵⁴ Kono, muzwale, ha mu utwa muhuwo wani, kuna ni Sesiñwi ku mina! Mu mbande, ka kukala. Kiñi? Mina mu Peu yani, yeo zuho ya M-w-a-n-a i hohile, mi ponahazo ya Ñata fa lifasi, ku mi eza ku lemuha kuli mu mbande mi isi kuhu ya likopano. Mwa bona nji? Hah!

¹⁵⁵ “Haiba Moya o no Mu zusize kwa bafu,” lona Linzwi, ili Mata a Linzwi, “uina ku mina, Uka pilisa ni mubili wa mina wo shwa.” Cwale luba cwani nama ya nama ya Hae ni lisapo la lisapo la Hae? Kakuli, kapili, ona ha lu sa li baeza libi ba mibili ye shwa, baba shwa, baba itukiselize ku shwa, mibili ye, Uka pilisa ni mubili wani. Ki kueza cwani *kutiswa kwa bupilo?* “Kutiswa kwa Bupilo.” Moya o no tabelanga kunwa wani, ku matamata kwa ni kwa, kueza boozwa, ni lika ze kaufela, u tisizwe kwa bupilo; kiñi, nto yani i shwile, mi mu zuhile. Wa pilisa mubili wa mina wo shwa.

¹⁵⁶ Kabakaleo, mibili ya mina ki tempele ye Mata, kakuli (kiñi?) kuzwa kwa simuluho mu siemba sa Libelekiso. Oh! Ki yani zuho ya mina fani. Ki yani Keleke mwa zuho, ni Yena. Mibili ye onafa i filwe mata a pilisa. Mwabona, mu utwile; mu bulezi. U mi cincize kuzwa mwa kopano kutaha kwa Linzwi. Mwabona?

¹⁵⁷ Mata, haiba A taha fa mezi, aka hasakiwa fela; “Mazazi a limakazo a felile.” Paca-paca-paca, “Oh, Na lumela Bibebe,” pacapaca-paca, “kono hakuna—hakuna nihaiba...” Paca-paca-paca! Mwabona?

¹⁵⁸ Kono cwale Ha ka nata fa butokwa bwa mafula ani aeza sikiti, “Whrrrrr,” ki yani ya ikela, mwa bona. Cwani, mawi, ona Mata kona anata Sani! Kono Ha nate fa kuhu, hakuna kuba bunde ni hanyinyani. Kono cwale haiba Anata fa mbande, ya shenya. Amen! Mata ana ni Libelekiso! Mwabona se Ni talusa? San ki kuli, haiba ki mbande wa niti cwale, u ka “utwisisa.”

¹⁵⁹ Pili ni mi tolokele Liñolo nyana fa. Na sepa lu pumehile kwa luwaile, kono lu sa li teni. Muhalalehi Joani 5:24, Jesu naize, “Ya utwa Manzwi a Ka, mi a lumela ku Ya Ni lumile, una ni Bupilo bwa kamita.” Cwale mutualime, Ni shetumuka hanyinyani mi ni nge fela seo si nosi, seo sili Sona, kusina kutwisiso ya

moya... Isiñi ku I eza kuli i bulele nto isili, kono kubulela fela ona mo I bulelela, mwabona, linzwi leli lukela fani, mwa si Gerike, mwa mushobo wa makalelo, li bulela kuli, "Ya utwisisa Manzwi a Ka."

¹⁶⁰ Cwale, ku paka kuli seo si lukile. Na shetumukafafasi fa, mi ki yo cakolwa ya taha mwa mukwakwa, ni musala mutu yomuñwi kwa mazoho a hae, inza lwahaka, ni kunga Libizo la Mulimu mwa mbango, ni lika zeñwi fela ona cwalo. "Kuli, kana ne mu utwile sa na bulezi mukutazi yani? Nji cwani?" "Eehe, Ne ni Si utwile!" Sani ha si talusi kuli una ni Bupilo Bobusafeli. Mwabona? Mwabona?

"Ya utwisisa Manzwi a Ka," yena ya li mbande!

¹⁶¹ "Cwale, Muzwale Branham, Ni bata Mañolo amañata kufita ao."

¹⁶² Ku lukile, "Lingu za Ka liutwa Linzwi la Ka. Muenyi halina ku mu latelela."

¹⁶³ Sina mwa taba ya *Linyalo Ni Telekano*, zazi leliñwi. Fani Moya o Kenile ha no ni bulelezi sani, Ne ni tilo bulela fela ona cwalo mwa Na ni bulelezi.

¹⁶⁴ Mukutazi yomuñwi wa musali na ni file pulelo yeñwi ye buhali, neli ku huwa nyana. Mi ali, "Ni sepa kuli unga sibaka sa Mulimu?"

Se nili, "Batili, ima."

¹⁶⁵ Ali, "Kihande, u ba bulelezi kuli libi za bona li swalezwi." Ali, "Kai?" Ali, "Ki Mulimu fela ki yena yana ni mata." Mwabona, Mufarisi yomuñwi. Mwabona?...?...

¹⁶⁶ Se nili, "Mwa bona, kuli ukone ku ziba, kuli, Jesu na bulelezi Pitrosi ni ba apositola, kasamulaho wa kuba ni sinulo ya Yo nali Yena."

A Mu bulelela kuli, "Ki Wena Kreste, yena Mwana Mulimu."

¹⁶⁷ Mi ali, "Ufuyozwi wena," mwabona, "mwana Jonasi; nama ni mali ha li si ka patulula Se ku wena, kono Ndate Ya mwa Lihalimu ki yena ya Si patuluzi. Fa licwe le Ni ka yaha Keleke ya Ka; minyako ya lihele haina ku I koma. Mi Ni fa ku wena linotolo; kaufela so ka tama mwa lifasi, Ni ka si tamwa mwa Lihalimu; so ka tamulula mwa lifasi..."

¹⁶⁸ Yani kona sinulo ya Bumulimu ya Linzwi leli ezizwe nama. Haiba nji Neli nama mwa lizazi lani ka Mwana, yena Munyali, Ki nama kacenu ka Munyaliwa. Mwabona? "Ye mu ka swalela libi za hae kaufela, ku yena lika swalelwa luli; ye mu sike ku swalela libi za hae, ku yena li ka ina ona cwalo."

¹⁶⁹ Cwale, keleke ya Katolika i nanuzi sani ni ku si tambeka baprisita ba bona, kono za ki za nama.

¹⁷⁰ Mutualime, neli za moyo, Linzwi leli patuluzwi kona lene li ezize zani!

¹⁷¹ Lani kona libaka ha Na ba bulelezi kuli ba kolobeze ka “Libizo” la Ndate, Mwana, Moya o Kenile. Na zibile kuli ne ba ziba Yo Nali yena.

¹⁷² Ka kuambola ni mukutazi yomunyinyani zazi leliñwi, ali ku na, ki hali, “Cwale, Muzwale Branham, Ni tile mi ni i kopanyize, ni ile kwa keleke ya *kuli-kuli*, ki keleke ya Pentekota.”

¹⁷³ Koo, ba Pentekota cwale se ba kalile kunga ka mbisikiti ka laundu, mwa ziba. Mu se mu utwile za teni, Na sepa; liñende, mulimu wa kweli, mwa ziba. Mi kaufela bona ba li amuhezi ni ku liinga. Muuna yo ali . . . Haili—haili kopano ya hae ya ya ku yena; mi ali, “Se Ni fuyozi si fuyozwi.” Cwale, kana sani ha ki sona sa bulela murprisita, yena “una ni mata a ku si fetulela kwa mubili wa Kreste”? Mwabona, ki ze silezi za silisiñwi ni licika la ze twelufu la sesiñwi, ka kuswana fela.

¹⁷⁴ Mi a bulela kuli, “Ni bata kuku buza taba iliñwi.” Na lika ku picuka taba ya kolobezo yani mwa Libizo la Jesu, kakuli yo ki yena muuna yana bulezi kuli neli—kuli neli antikreste yana ezize sani. Mi ali, “Kikuli u nahana kuli ki kwa butokwa kuli mutu a kolobezwe mwa Libizo la Jesu Kreste?”

Se nili, “Eeni, sha.”

¹⁷⁵ Mi ali, “Kasamulaho amana ku kolobezwa ka Libizo la ‘Ndate, Mwana, ni Moya o Kenile?’”

¹⁷⁶ Se nili, “Eeni, sha. A si ka kolobezwa, ni hanyinyani. Mwabona? A si ka kolobezwa, ni hanyinyani; hakuna Libizo. Lani ki lilumbatina.” Se nili, “Mane ha li zibwi.” Se nili, “Ki kabakalañi kanti—ki kabakalañi kanti Pitrosi . . .”

¹⁷⁷ Yena ali, “Kihande, cwale, tuhela ni ku bulelele nto yeñwi.” Ki hali, “Cwale, mwa Likezo 10:49, na ize kuli, ‘Ka nako yana sa ambola manzwi ao Pitrosi, Moya o Kenile wa wela fahalimwa bona.’”

¹⁷⁸ “Kono,” Se nili, “ki ha sikuluha kwa silyo mi ali, ‘Kana mutu aka hanisa mezi kuli basike ba kolobezwa ni bona ba?’”

¹⁷⁹ Ki hali, “Kihande, no sweli ku ambola zazi lani, fa nako nyana, ka za Likezo 19, kwani ko Paulusi na fitile kwa libaka ze lumbile za Efese, kwana fumani balutiwa bani.” Mi ali, “Kiñi,” ali, “ne ba si ka kolobezwa ka libizo la Ndate, Mwana, ni Moya o Kenile.”

¹⁸⁰ Se nili, “Batili, ne ba kolobelizwe ‘kwa ku baka,’ isiñi kwa swalelo ya libi. ‘Kwa ku baka,’ kakuli Jesu na si ka zibahala kale. Sitabelo ne si sika bulaiwa kale.”

Mi sali, “Kihande, ki kabakalañi hane ba kolobelizwe hape?”

¹⁸¹ Se nili, “Muuna yana sweli linotolo, na bulezi kuli, ‘Ku zibahale ku mina kuli hakuna Libizo lisili mwataswa Lihalimu le lifilwe kwa batu, leo mu lukela ku piliswa ka lona.’”

¹⁸² Puluso i nosi iya ka Libizo la Jesu Kreste. “Kaufela se mueza mwa likezo, mu eze kaufela ka Libizo la Jesu Kreste.” Hakuna libizo lisili hape, hakuna keleke, hakuna mundandwe wa litulo, hakuna malumbatina, kamba si sili fela! Ibo, ki Yena Palisa ya Sharoni, Mulilima wa mwa Libala, Naleli ya Kakusasana, Alfa, Omega, Makalelo ni Mafelelezo, Jehova-jaire,-rafa,-manase, ze kaufela. Yena ki yena ona linto ze kamukana, kono niteni Yena . . . Hakuna puluso ku yeñwi ya malumbatina ani kaufela; *Jehova*, hakuna puluso; *Palisa ya Sharoni*, ibo ki Yena, hakuna puluso; *Ndate, Mwana*, kamba *Moya o Kenile*, hakuna puluso. Konji Libizo la “Jesu Kreste!” Mi he Bibele ibulezi cwana, kuli, “Ku baka ni swaledo ya libi li bulelwe ka Libizo la Hae, ku kalela kwa Jerusalema, ni kwa mafelelezo a lifasi.”

Mi ali, “Kana u nahana kuli kuna ni shutano ni yekana nji?”

¹⁸³ Se nili, “Muñaka, Ni bata ku kubuza nto iliñwi.” Yena ni Na, ni musala ka, ne lu inzi fa tafule. Ki ha sutelela fela. Ani bona, a sutu . . . Se nili, “Sibeli sa luna lu ba kwa Arizona; lu pila kwanu. Mi Na, mi lu ziba katengo kansulu ya luna, ni silalandia sa luna, ni zeñwi kaufela, ni muyemeli wa tolopo ya luna, mubusisi, lika kaufela.”

Ki hali, “Eeni.”

¹⁸⁴ Se nili, “Cwale, hane Ni ka ku bulelela, muzwale, kuli, ‘Zamaya kwani mi u yo ñolisa za mulalelo wa luna, mwa libizo la Mubusisi wa Naha ya Arizona,’ kana ne u ka yo nyatele fela ona cwalo? Kikuli u nahana kuli ne ba ka li amuhela fa tafule yani?”

¹⁸⁵ “Kiñi,” ki hali, “Ni sepa kutokwa.” Mi ali, “Kiñi Jesu ha na bulezi cwalo?”

¹⁸⁶ Se nili, “Taba ki ye, mwabona. Kiñi? Hane Ni ka ku bulelela kuli ‘zamaya u yo ñolisa mulalelo wo, ka libizo la Mubusisi wa Naha ya Arizona,’ mi luna ka kuba ba naha ya Arizona, mi ka kuziba yo Mubusisi ali yena, kiñi, no ka ziba ku ñolisa ka libizo la ‘Sam Goddard,’ mwabona.” Se nili, “Kakuli, ki yena Mubusisi wa naha. Ha ni lukeli ku kubuza. Wa ziba yo Mubusisi ali yena. Mi, fani ha Na bulezi kuli, ‘Ndate, Mwana, ni Moya o Kenile,’ Na ziba mo ne ba ka yo kolobeleza. Ne ba ziba Yo nali Yena. ‘Lingu za ka liutwa Linzwi la Ka.’ Mwabona? Mwabona?”

Ki hali, “Oh, Na bona.”

¹⁸⁷ Kono cwale, taba ye tatama, kikuli uka lumela? Mwabona? “Ya utwa Manzwi a Ka, mi alumela ku Ya Ni lumile, una ni Bupilo bwa kuyakuile.” Mi cwale ona Bupilo Bobusafeli bo bupila ku mina, Ki yona swanelo.

¹⁸⁸ Ha mu amuhezi Moya o Kenile wo cwale, one ba amuhezi la Pentekota; nebali libelekiso, cwale Mata nana ni kutaha. Ne ba lumezi. Mwa ziba, balikani ba luna babande ba Baptist ba lu bulelenga kuli, “Ha lu lumela, kipeto luna ni Ona.” Kono, ne ba sina Ona, kono niteñi ne ba lumezi.

¹⁸⁹ Likezo 19, ne ba lumezi, kono ne ba sina Ona. “Kana mu amuhezi Moya o Kenile nako ye mu lumela?” Mwabona? Neba nani Libelekiso, ku likani, kakuli ba apositola nebali... Kamba, Ni talusa, Apolosi na ba luta ni ku paka ka Bibele, zona Libelekiso, za kuli Jesu nali yena Kreste, kono ne ba sina Mata ni haisali. Mwabona? Kona zeo. Ku lukile.

¹⁹⁰ [Hakuna manzwi fa tepu—Mu.]... -belekiso, ka swanelo muna ni tibelelo, ya niti.

¹⁹¹ Cwale, ha mu ba ni Mata, mu se mu filwe mata a kuzwa mwa mubili wo shwa kukena mwa buino bwa kusa shwa. Si eza mubili kaufela kutaha mwa ku utwela Linzwi. Si ka mi ezisa lika ka ku shutana, ku bonahala ku shutana, kupila ka ku shutana. Si ka mi pang'a fela ku shutana.

¹⁹² Cwale a mutualime. [Hakuna manzwi fa tepu—Mu.]... muse mu filwe mata a pilisa. “Mina bene ba shwile ka nako yeñwi mwa sibi ni mwa bumaswe, ni lififi, U mi file mata a pilisa.” Ka sikamañi? “Moya wa Hae o no zusize Jesu,” la Paseka kakusasana, “kuzwa kwa bafu. Mi haiba U pila mwa mibili ya mina ye shwa,” cwale mutualime, “Uka fa mata hape, kutisa kwa Bupilo, ku ubeya ku utwela Linzwi.”

¹⁹³ Cwale, mukona kuipulela cwani kuli muna ni Moya wani, kanti muinepela ili mina kwahule ni Linzwi? Fo he mufilwe mata ki sika si sili fela. Kakuli, U ka fa mata kwa mibili ya mina ye shwa kutaha kwa Linzwi. Luli, Uka eza.

¹⁹⁴ Hamukoni ku mata kusina Ona. Fo he mu ka kowana fela, haiba njí ha mu lumeli ku Ona ka kutala. Haiba muna ni kalulo ya mafula a mwa mota mi yeñwi ki mezi, hamuna kufita kai kamba kai. Mwabona? Mu lukela ku lwala mafula, ka kutala. Haiba mu sa ezi cwalo, mu ka tima mulilo, mi fo he ha mu sana mata. Mwabona? “Kono Na—Na lumela *se*, kono ha Ni lumeli *Sani*,” pacapacapacapaca. Hakuna ko mu ya.

¹⁹⁵ Kono, oh, hamunga mutalelela! Li monyeha fela ku sona, Linzwi kaufela ki la Niti!

¹⁹⁶ Mi mulemuhe cwale, halunze lu kwala, mulemuhe *se*. Mulemuhe, kuswana fela sina—sina peu ye nyinyani ye inzi mwa mubu.

¹⁹⁷ Cwale, ka swanelo, mu zusizwe. Mu zusizwe ha mu amuhela Moya o Kenile ku mina. Mu zusizwe ona foo. Mubili wa mina kale u zusiwa ka swanelo yateni.

¹⁹⁸ Mutualime fa peu ye nyinyani. Mu icale mwa mubu. I lukela kunwa kwa liweluwelu la Hae, ona mezi a suluhelafafasi. Mi hanze i nwa, ya kasheza mwa halimu ku Yena, inze i taha ka kuswana ni peu yene ile mwa mubu. Mwabona?

¹⁹⁹ Keleke itile ka nzila yani, ka kutapiswa, ku keniswa, kolobezo ya Moya o Kenile, cwale mwa seli mwa palisa. Mwabona? Moya wa Mulimu u tahile kufitela ona mwani.

²⁰⁰ Mi moya wa lifasi u tahile ka antikreste, ka nzila yeswana, mi cwale wa tubula mwa tamahano yetuna ya likeleke, mwabona, taba kaufela.

²⁰¹ Mi ni mutu anosi utaha ka nzila yani. Lik a kaufela libeleka ka kuswana, fa sikala sesiswana sa Mulimu, kakuli ki Ya swana maabani, kacenu, ni kuyakuile. Mulemuhe, mwa musipili wa mina, kuhula mutalelela wa zuho, ku zamaiswa ka Moya!

²⁰² Sina lizazi, l-i-z-a-z-i, mo li hohela palisa nyana yani ye nwa kwa liweluvelu la Mulimu, ku libeya fela . . . Mwabona, ikona fela kunwa kwa nto iliñwi. Ha mu sela oli nyana fa peu yani nako iliñwi; mwa i bulaya. Yani ki niti. Ha mu sela mezi a inelezi, mezi a kale a sina bunde, atezi masila, aka paleliswa kuhula. Haina kubeya miselo. Kana ki niti nji? Kono ha mu sela mezi amande luli a bunolo, amen, kusina milyani ye pangilwe ki batu ku yona, mu i tuhele fela izwe mwa lihalimu mwa halimu, mi mutokomele simela seo. Hakuna mezi akona ku hulisa sani sina mezi a pula. Mu beya kolorini ku ona, sina ha mu lika ku nokela sesiñwi ku luna, mi, taba ya pili mwa ziba, a ka bulaya simela sani.

²⁰³ Bwani kona butata kacenu. Balika kubafa mezi a zwa mwa liweluvelu la kopano, mi kipeto ika paleliswa kuhula. Mwabona? Kono mu i tuhele kuli ibe ni . . .

Mutahé ko kuna ni puka ye pazima;
Inze i monyeha mwahala luna musihali ni
busihu,
Jesu, Liseli la lifasi.

Konakuli mu na ni zona, he.

Lu ka zamaya mwa Liseli, Liseli le linde,
Mutahé ko kuna ni puka ye pazima;
Inze i monyeha mwahala luna.

²⁰⁴ Muzuse maweluwe-welu a ipangezi mutu a kuzwa kuna! Hakuna siliba sesiñwi se Ni ziba; hakuna kono konji Mali a Jesu! Sani kona Sibuba fela sinosi se Ni bata ku ziba. Mutuhele Linzwi lipile ku na, Mulena; aku I selaele ka Moya wa Hao.

²⁰⁵ Mulemuhe, cwale, haiba nji Moya wani ono zusize Jesu mwa libita, uina ku mina, kona kuli ka swanelo muna ni Bupilo; musweli ku etelelwa ka Moya, kuli ufe mata kwa Linzwi le linzi ku mina, kuli mu Li lumele. Taba ye nyinyani yani i zwelapili ku kasheza mwa halimu hainze ihula.

²⁰⁶ Mulemuhe, kwa Pentekota, mibili ya bona ne i filwe mata kwa Bupilo bo bunca. Mutualime fa sishañata sa mapyeha.

²⁰⁷ Kana Ni mi buluka nako yetelele hahulu? [Puteho ili, "Batili."—Mu.] Mutualime, Ni futumalezwí fela, kona cwalo, na ikutwa hande. Oh, mawi!

²⁰⁸ Mulemuhe, nebali mapyeha. Mulemuhe. Kono, neba nani Libelekiso. Mwabona? Kono nebaizi kwa mulaho kwani kaufela bona, inze bali, "Oh, Na ba saba. Oh, Na saba ku zwela kwande

ku yo bulela ka ku ipapata, kakuli, oh, bani ma mbishopu babatuna kaufela kwande kwani. Oh, Na saba kuya. Ona baprisita bani ni zeñwi, Na saba ku bulela taba yani, na saba ha Ni ka bulela kuli Na lumela ku Yena. Oh, ha Ni koni fela kueza sani, mwa bona.”

²⁰⁹ Kono, hañihañi fela, Mata ataha. Eeni. Mi ki sikamañi sene Si ezize? Ne si sika tala fela moyo wa bona, mwahali, kono ne Si file mata a pilisa kwa libelekiso za bona. Mibili ya bona ne i filwe mata a pilisa. Ne ba si mapyeha. Ne ba ile kwande fapila sicaba. Eeni, sha. “Mina baana ba Judea, ni mina ba bapila mwa Jerusalema!” Kai, mane Mata asika taha kale, ne bali libelekiso fela. Mwabona? “Mina baana ba bapila mwa Jerusalema, taba ye i zibahale ku mina, mi muiteeleze manzwi aka! Ba haba si ka kolwa, sina mo mu hupulela.”

²¹⁰ Ni alimuñwi wa bona. *Se ki Sani!* Ni ka mi bonisa seo sili sona. Ki Mañolo. *Se ki Sani!* Mi Ni bile ni bulelanga kamita kuli, “Haiba nji se ha ki Sani, mutuhele ni buluke *se kufitela* Sani si taha.”

²¹¹ “Batili, se ki sona Sani sene si bulezwi ki mupolofita Joele, ‘mi ku ka to ezhala mwa mazazi a maungulo, kubulela Mulimu, Ni ka sulula kwa Moya wa Ka fahalimwa libupiwa kaufela.’” Mwabona, ona Mata ataha fa libelekiso. Ne ba sa sabi ni hanyinyani.

²¹² Babañwi ba ku mina sicaba mina baba saba kuli musali yomuñwi uka mi seha ka kuba ni milili ye mitelele, kamba ku tuhela ku ipeya mipende; babañwi ba mina baana baba saba kuli katengo ka mina kaka mi nepela kwande ha mu ka kolobeza kopano ya mina mwa kolobezo ya Mañolo; mu lukela kuikiyela ili mina mwa ndu ya fa halimu kufitela Mata ataha. Yeo ki niti.

²¹³ Ne i ba cincize. Ne i ba file mata a pilisa. Ne iba ezize ku shutana. Ne bali batu baba cincizwe, kuzwa fani kuya kwapili. Ne iba file mata a pilisa, kuzwa kwa bupilo bwa kuba lipyeha, kwa kuswana sina Tau ya lusika lwa Juda. Bona kaniti ne ba libani ni ku bulaiwa, ku kokotelwa fa lifapahano, ku kokotelwa litoho fafasi, kucisiwa, ku nepelwa mwa misima ya litau. Nekusina bupyeha cwale, ka bona. Lifu ne lisina tulo fahalimwa bona, ni hanyinyani. Mata naliteni mwa libelekiso. Eeni, sha. Ne a file mibili ya bona mata a pilisa.

²¹⁴ Cwale muiteeleze. Ki ye fa taba yeñwi, kwa bupaki. Na ba file mata a kuli mane konji (mwa ziba kana?) ne ba nanuzwi mwa libaka za Mahalimu, ni mibili ya bona ya nama ne i filwe mata a pilisa konji mane mushobo wa bona ha ucinch. Fela ki kuli... Ne ufile mata a pilisa kwa mushobo wa bona. Sani kona sene ibulezi Bibebe. Mi, mibili ya bona ka ku fiwa mata a pilisa, mushobo wa bona ne u filwe mata a pilisa. Minahano ya bona ne i filwe mata a pilisa. Mioya ya bona ne i filwe mata a pilisa. Bupilo bwa bona ne bu filwe mata a pilisa. Ne ba filwe mata a pilisa,

hamoho! Hane ba lika kubulela, mi ne ba sa koni kubulela mwa mushobo ufi kaufela wa batu. Neba filwe mata a pilisa hahulu fapila Kubateni kwa Mulimu kufitela ba bulela mwa lulimi lo lunca, lulimi lwa Lihalimu. Whew! Ha ki Mata a pilisa ni ao!

²¹⁵ “Haiba Moya ono zusize Jesu kwa bafu uina ku mina,” oh, haleluya, “Uka fa mata a pilisa kwa mibili ya mina ye shwa.” Uka mi ezisa lika ze mu si ka eza kale fateni. Neba tezi Mata a pilisa cwale. Mwabona?

²¹⁶ Mubili wa mina ha u sa li mwatasa sibi ni kamuta; mina, litakazo za mina.

Na ize, “Taha u zwele kwanu!”

Mu li, “Kwala mulomo wa hao.”

“Oh, luna ni zetuna hahulu . . .”

“Kwala mulomo wa hao.” Mawi, wena u mbande!

²¹⁷ Kana mukile mwabona mbande ye hulile mo izamaelanga? Ha i hati sina linoňu, mwabona, ku se si shwile kaufela, ni zeo kaufela ze bolile ze wezifafasi. Batili, sha. Yona izamayanga ka muikuhumuso.

“Kwala mulomo wa hao.”

“Oh, kuna ni lico zende za mulalelo *kwanu*.”

²¹⁸ “Ha ki za ka. Mwabona, litakazo za ka li cincize. Takazo ya ka ya lico i cincize. ‘Kakuli mutu hana kupila ka ze bolile za mwa lifasi fela, kono ka Linzwi kaufela leli zwelela mwa mulomo wa Mulimu.’” Mbande ya niti ye filwe mata a pilisa ipila ka Sani. Amen!

²¹⁹ Oh, mi A zusa Kreste kuzwa mwa libita, upila ku mina, ufile mubili wa mina mata a pilisa kwa Kubateni kwa Hae. Mu U lemuhe. Ha mu sa li linoňu. Mu mbande. Ha mu sa lata lika za lifasi. U mwana wa mushimani ni wa musizana wa Mulimu. Mu sweli kucela fa Siliba seo lifasi ha li zibi sesiňwi ka sona. Musweli kunwa Teňi. Yomuňwi wa ziba . . . Lifasi hakuna se li ziba ka zona. Musweli kuca Manna a patilwe ao lifasi mane hakuna se li ziba sa Ona, kakuli mu mbande. Mu filwe mata a pilisa kufitela mane muswala ku Ona. Mwakona ku fita ku Ona ku shetumukafafasi *fa*, mu lukela kufita fahalimu *fani*. Mu lukela ku fiwa mata a pilisa, ku pahekiwa fahalimu *fani*, kuli A fe mata a pilisa.

²²⁰ Ki sikamaňi sene ba ezize? Ne ba bulezi ka mushobo usili. Bibele ibulezi kuli ne ba bulezi cwalo. “Ne ba bulezi ka lulimi kaufela lwa mwatasa Lihalimu.”

²²¹ Kana mwakona ku nahana cwalo, mibili ya nama yani yainzi mwani, ili, “Kihande, Hani sa ziba kamba Ni lumele se cwale kamba nee”?

²²² Ona fani fela, neba tilo fiwa mata hahulu kufitela bundume bwa Tau ya lusika lwa Juda bwa wela mwahala bona, fahalimwa ku bonahazwa kwa Ñata yani. Oh, Mbande yani ya taha ku to

biza be Ili ba Yona! “Mi ha ba si ka lata bupilo bwa bona kuisa lifu.” Amen.

Mi kuna ni babañata hape baba ka fa mali a
bupilo bwa bona
Ka bakala Evangel ya Moya o Kenile ni siliba
sa mali a Yona.

²²³ Mi Mwana ulukela ku—ku patululwa hape, ku Munyaliwa mwa lizazi la mafelelezo; ona Mata a pilisa a lukela ku taha, ku fa mata a pilisa mwa likopano ze shwile ni lituto za litumelo, kwa Linzwi leli pila la Mulimu ya pila. Oh!

²²⁴ Batili, Ne li ba file mata a pilisa kutaha kwa Bupilo bo bunca. Bu eza nto yeswana ni ku luna cwale. Mulemuhe, cwale, ne ba filwe mata hahulu mwa Mata a pilisa ani! Cwale Na . . .

Muteeleze ka tokomelo cwale. Ni lika ku mi bonisa.

²²⁵ Mata a fa piliso na si ka kena fela mwa moyo wa bona, Kono neuli fahalimwa bona kaufela. Ne . . . Ne si fela Mata anatile mwateni, ku to bafa mata, kono Na file mata kwa libelekiso. Mwa bona se Ni talusa? Ne ba filwe mata hahulu kufitela malimi a bona akala ku bulela mushobo usili. Ne ba akufisizwe ka Mata a zuho ya Kreste, kufitela baba ni mazoho a bona . . . Ne ba filwe tiisezo hahulu ka Mata a pilisa, kufitela, mane ha ne ba beya mazoho a bona ku ba bakula, ne ba fola. “Ne a file mata kwa mibili ya mina ye shwa.” Ne ba fola, ka kubeya mazoho a bona.

²²⁶ Mi Moya wa fa mata a pilsa kwa kopano ya bona ni Mulimu, kufitela ni bona haba amuhela mata a Kubateni kwa Mulimu mane, mutu hana shwa ni moyo wa hae u zwile ku yena, Ne ba mu biza ku mukutiseza kwa bupilo hape. Amen! Kanya! Cwale Ni ikutwa bulapeli.

²²⁷ Yani ki niti, kufiwa mata! Isiñi fela kuli zuho yani neli ya Hae fela Anosi, kono ku ya lata kaufela, kwa Peu kaufela ye ne lelilwe kale inze ilobezi mwani. Kufiwa mata, kufa mata kwa mibili o shwa!

²²⁸ Ne ba beya mazoho fa bakuli; ne ba foliswa. Ne ba lapela; mwa Moya ne ba bona lipono, kubiza bafu kukutela kwa bupilo. Yani ki niti. “Kufa mata kwa mibili wa bona o shwa.”

²²⁹ Mi ha Ukena ku mina; mi haiba kuba cwalo . . . Cwale, mwakona kubulela kuli ku cwalo; mi haiba kuba cwalo, lisupo ze lika latelela sani, mwa bona. “Si fa mata kwa mibili wa mina o shwa.” Si ka mi fa mata a pilisa.

²³⁰ Cwale, mulemuhe, kufiwa mata mwa Kubateni kwa Mulimu. Kiñi? Neli Moya wa Mulimu wo no zusize Jesu mwa libita. Mi, Moya wa Mulimu, “Ni ba fa Bupilo Bobusafeli,” lizwa kwa linzwi la si Gerike, ha mu ka li batisia, Zoe, ki le Li zamaya ku mina ni kufa mata a pilisa mane ni kwa minahano ya (bona).

²³¹ Cwale mutualime. Kana mukona kubulela cwani kuli Moya wani upila ku mina? Ni ha mu ezize lika kaufela zene mu hupula

kuli li lukile, ki bo fa bupaki bo bu paka kuli mu nani Ona kamba kutokwa. Haiba nji Moya onoli ku Kreste uina ku mina, Uka mi fa mata kutaha kwa Linzwi, kakuli Yena ki Linzwi. Mi haiba wa, shutana, umi fa mata akuba kwahule ni Linzwi, fohe kanti ha ki Moya wa Kreste! . . . hakuna taba ka se mu ezize, kufitela Sani si mi kenya mwa Linzwi. “Lingu za Ka liutwa Linzwi la Ka, mi lika pila ka Linzwi kaufela,” Linzwi kaufela! Ne ni sweli kubulela ka sani zazi leliñwi.

²³² Boma baba ni pepa luli, se ba ikezi cwale, mi nebalí basali baba ipitezi hahulu. Mi nebalí, mwa ziba, siemba sesiñwi neli ma Indian, mi ne ba ipitezi. Kono mwahali mwani neli batu bene ba sa lolangi. Kono ne Ni sa nahani kuli . . . Neba na ni fela litolo zene kamba ze ketalizoho, mwa bupilo bwa bona kaufela. Kono nako kaufela hane ba lola tolo, neibanga ya niti. Hane baba ni tolo, neiba ya niti.

²³³ Na hupula nako yeñwi hane Ni kalile ku kutaza, lilimo zeñata kwa mulaho. Ne lu pila ona kwa mukwakwa o inzi kwanu wo, ona fahalimu fela fa. Ne ni nze ni kutazanga ona kwa keleke ye kwanu. Mi ba lola tolo, kuli Ne ni yemi kwa tuko a fa mapahamelo a malalu. Mi Ne ni yemi, nze ni kutaza ku mañi ni mañi, kuli ba lukela ku hata mihato yemilalu yani ba si ka fita kale fa nzila ya likululu. Mi mwa likululu kuna ni mubala wo musweu cwalo o lalilwe, uya ukena mwa—mwa—mwa minyako ya Lihalimu, kuliba kwa minyako wo benya. Mi kubenya kwani ku bonahalela ni fahalimu a mahatelo ani. Haiba nji leo ha ki Liñusa la ka kacenu; kutapiswa, kukeniswa, kolobezo ya Moya o Kenile! Mi ne Ni sweli kubulela kuli mutu una ni kutaha ka mihato yemilalu ye, kuli akone kuzamaya mwa nzila ye kambama yani. Mi ba bulela kuli . . .

²³⁴ Neku na ni kalibe yana tile. Cwale, mwa ziba mufuta wa makatulo one batinanga batu lilimo ze mashumi amalalu ka ze ketalizoho kwa mulaho. Neku na ni kalibe yana tile, nana ni makatulo amatuna cwalo sina mo ba tinelanga kacenu, makatulo ana ni miwayo kwa masito. Mi ki ha taha cwalo. Mi se Nili, “Libeleta fa muzuzu, kezeli. Haukoní ku pahama mukambamo wani ka ona.” Mi se Nili, “Ha—ha, ukoni kueza cwalo.”

²³⁵ Mi kalibe ali, “Ah!” Ki hali, atalimwa kwa basali babañwi bene ba liteni, ali, “Musike mwa mu lumela. Ki muuna wa sipulumuki. Mwabona? Musike mwa mu lumela. Ni ka mi bonisa kuli Na kona ku beiwa ya lukile, ku keniswa, ni kutazwa ka Moya o Kenile, ni kuzwelapili kuzamaya cwalo.” Mi musali . . . Na mu tuhela fela kuikela. Ne kusina ze ne ni ezize hape ka zona, ne ni palezwi ku mu tuhelisa. Mi ki ha wela nzila. Mi a talima kwa mulaho ku kezeli, ali, “Mwabona, Ne ni mi bulelezi!” Ki ha kala ku mata mane kukambama, mi yena . . .

²³⁶ Mwa ziba, sina Bibele ha ibulezi, mwa Isaya, kauhanyo ya 5, kuli bakaba ni “milala ye omelezi.” Bana ni kuba cwalo; ba inami

kusikama, mwabona. “Kuobama inge . . .” Bana ni kuba cwalo, bana ni ku inama, “Kuobama habanze ba zamaya, banze ba liza muhatelo ka masito abona; mwabona, bana ba Sione mwa lizazi la maungulo.”

²³⁷ Mi akala ku kambama cwalo ka nzila yani, ka katata fela mwa na konela kumata. Mi, kasamulaho nyana, nzila ya ba ye sisani ka busisani. Akala kuliza masito, inza obami *cwalo*, mi kipeto aikela.

²³⁸ Mi boma bali, “Muhuwo o sabisa hahulu wo Ni kile Na utwa mwa bupilo bwaka, neli musali yani ha na ilo wela mwa malimi a mulilo ni mwa musi wani, inza nwela mwatasi, mwatasi cwalo.” Bali, Na “sikuluha kwa mulaho mi nali, ‘Mwabona?’”

²³⁹ Na utwela fela lika kaufela kono Linzwi lililiñwi, mwabona, lika kaufela kwanda Linzwi lililiñwi. Luli, basali ba Pentekota bakona ku piliswa, ku keniswa, ni kutazwa ka Moya o Kenile, mi hape ni ku palelwa. Kaniti. “Mutu hana kupila ka buhobe fela, kono ka Linzwi kaufela lelizwa.” Mwabona? Mwabona? Mi a Li palelwa. Mi sina hane Ni bulela, mwabona, na ka kena ona cwalo mwateni, ku lukile, kono, mwabona, a palelwa ku utwa; ku mu bulelela sene sili kwa pili. Mi Uñozi Evangelii ka balutiwa, ba apositola, ni Tuto ya ba apositola ni bapolofita, ni babañwi cwalo, mi habana ku teeleeza.

²⁴⁰ Cwale mulemuhe Mata a fa piliso a, *Zoe*, kutisa Linzwi, munahano one uli ku Kreste noli ku mina he. Ni lika ku bonisa, mina, fani, hane mu zusizwe. Fani Mulimu hana zusize Jesu kwa bafu, Na mi zusize ni mina, hape. Mi hape ni kutiswa kwa Bupilo, ni Yena, mina cwale fa mufilwe mata a Bupilo, nihaikenge nako yani nemuli mulelo mwa minahano ya Hae, kono Mulimu na boni lika kamukana ku Yena, kwa mafelelezo, mwabona. Fani Mulimu hana talimilefafasi fa mubili . . .

²⁴¹ Moya wa Mu siya, mwa Simu ya Getsemani. Nana ni kushwa, inzali mutu. Muhupule, balikani, Na sa lukeli kueza cwalo. Yani neli Mulimu. Mulimu na tozize nama yani, yeneli nama ya butu. Mi Na si ka . . . Kambe Na kaya kulo kwani, kakuba sina Mulimu, Na si ke kushwa lifu la mufuta wani; hamukoni ku bulaya Mulimu. Kono Na sa lukeli kueza sani.

²⁴² Kono, muhupule, Na ile kwani ni mina ku Yena. Mwabona, Mulimu na si ka kauhanya Munyaliwa ku Munyali, kale. Kacwalo fani Mulimu hana talimilefafasi fa mubili wa Kreste, Abona sibeli sa muuna ni musali. Kaufela ne ba liuluzwi mwa mubili ulimuñwi wani. Mwabona? Ki nto iliñwi, baswana, Linzwi leli swana. Ki Linzwi leli swana, lene li bulezi ka Munyali, la bulela ka za Munyaliwa.

²⁴³ Kihande, kana Munyaliwa ukona kutaha cwani, ni kupalelwa ku bonahalisa lika kaufela ze sepisizwe ka Yena; ni Munyaliwa ku taha, mi A sike aba Munyaliwa? Kono cwale ha Na ezize lika kaufela, niheba ku paka ka ku zusa Iliyena

kwa bafu, kasamulaho, cwale kana kikuli—kikuli Munyaliwa ha lukeli kueza nto yeswana, abe ona cwalo kuswana ni se li bulezi Linzwi kuli kona mwa Ka bela mwa mazazi a maungulo a? Kikuli Ha lukeli kukuta ka Malaki 4 nji? Kana Ha lukeli ku bonahala sina mo ne kuinezi mwa mazazi a Sodoma? Kana lifasi ha li lukeli kuba ona cwalo sina mo li inezi? Kikuli lika ze ha ki ponahazo ye petehile ya Linzwi la Mulimu ye zibahalizwe ku luna?

²⁴⁴ Kihande, balikani, Ni ziba kuli Ni mi buluka nako yetelele, mizuzu ye lishumi ka ye ketalizoho bukaufi ni sico sa mulalelo, kono mwendi Ni ka be ni felize ka nako yani. Kono mulemuhe, mutualime fa, ha ki taba kwa kupetahala ni yeo. Hani zibi fo Ni ka mi bonela. Mwabona?

²⁴⁵ Mutualime, mulemuhe se. Kono Mulimu na boni kale Munyaliwa ku Munyali. Haleluya! Mwabona, kuli a pilise Musala Hae, sina Adama, Na lukela ku zamaeleta ni Yena. Adama na ziba sa na eza; Eva na sa zibi sa na sweli kueza, kono Adama na zamaile ni musala hae. Mwabona? Mi ni Jesu na ngile sibaka sa Musala Hae mi aba sibi ka Yena. Muhupule, Na tiloba mina, Na yemi mwa koto ya mina, kuli mukone kuyema mwa sibaka sa Hae. Na yemi mwa sibaka sa mina, kuli mukone kuyema mwa sibaka sa Hae. Ki lilato mañi leo! Ki kutwano yecwañi yeo! Lukona ku i latula cwani? Lukona cwani kueza taba isili kwanda ku Mu lata, mulikani? Ne ni ka ina fani ka lihola nyana, kono ha luyenfa pili nyana.

²⁴⁶ Sina kutwisiso ya pentekota kacenu, ni kutaha kwa Moya o Kenile mwa lizazi la mafelelezo le, mo ku sepiselizwe, kuswana sina taba yepaka ku luwa sika. Mwabona?

²⁴⁷ Cwale, mwakona kuba ni pampili ye paka sika. Luli. Mwabona? Mwakona kuba ni pampili ye paka sibaka, kono seo niteni ha si buleli kuli ki sibiana sa mina. Batili, sha. Yomuñwi kwa mulaho ka foo wa kona kutaha ku to ipapata sona. Kono ha mu na ni taba ye paka buniti bwa liluwo, seo si bonisa kuli kaufela ya ka lwanisa ukashezwa kwatuko, ku kalela kwa mutomo. Ki niti yeo kana?

²⁴⁸ Mi cwale mutu ha bulela kuli wa lumela Linzwi, mi cwale Moya o Kenile ha utaha, Uba bupaki bwa liluwo. Mi sani si mi fa tukuluho, ha mu na ni pampili ya bupaki bwa teñi, kuli kalulo kaufela ya sona ki ya mina, mi kaufela ze li fateni ki za mina. Amen! Mi sani si lufa pampili ya bupaki, fani Moya o Kenile ha utaha fa pampili ya liluwo yani yona yana boni Mulimu kwa mulaho kwani ku sikaba kale ni mutomo wa lifasi, ni kubeya libizo la yona mwa Buka ya Bupilo; kono ne ni pepilwe ka muuna ni musali, mi inze nina ni sibi, ni mulatu wa sibi. Kono hane Ni lumezi ku Yona, Na amuhela bupaki; kono fani Moya o Kenile han'otile, Neli bupaki bwa kuli lika kaufela ze ne ni lwanisa, kamba ki boma bene ba li ezize, bo ndate kona bene ba fosize, ki bokuku ba basali bene ba ezize . . .

²⁴⁹ Sina mwana yomunyinyani, wa butuku bwa kanono yo ne Ni lapelezi, mizuzu yelikani yefitile, yana zwelela ku bo kuku a hae. Kanono ka wela mwa mubu, mi ku yena mwana yani, Na bulela.

²⁵⁰ Kono cwale bupaki bwa sika ha bu taha, Bwa kasheza kwatuko, ku siya lika kaufela. Ni muña wa pampili ya bupaki he. Amen! Mi ka ku sepahala sina Moya ono zusize Kreste kwa bafu, Ni na ni pampili ya bupaki kuli Ni siemba sa Mubili wani, ni bupaki bwa Moya o Kenile kueza mubili wa Linzwi wani ona cwalo fela sina mo ne U ezelize ku Yena, sina ha Na sepisize mwa lizazi la maungulo. Pampili ya bupaki! Libi za ka kaufela li takuzwi, libi za mina kaufela li takuzwi, ka Mali a Jesu Kreste, mi ni Moya o Kenile utile sina pampili ya bupaki kuba ni liliupo la nifile Mulimu ka sishemo, ka zibo ya kulemuha isali kwa simuluho. Oh, mawi!

²⁵¹ Ki sikamañi se mu saba? Ki kabakaleo Na bulezi kuli, “Mu si sabi; Kina ya Na shwile mi na pila hape; mi Ni pila kuyakuile; ni na ni linotolo za lifu ni lihele.” Musike mwa bilaela ka sina kaufela. Nihaiwa lifu halina ku mi holofaza. Mulemuhe. Ki bunde!

Halu akufeni kapili cwale.

²⁵² Pampili ya bupaki! Sikoloti si lifilwe. Liká ze ne lwanisa kaufela li takuzwi. Ha-ha-ha! Kanya! Na kona kueza ka kutokwa ngana, kono Ni ikutwa hande. Mulemuhe. Mwabona? Oh, bupaki bwa liliupo, kana mwa lemuha seo sani si talusa? Kana wa lemuha sani ze si talusa, muzwale? Hakuna sika se si kona ku si zusa ku wena. Amen. Ni muluwi. Amen. Ha ki . . .

²⁵³ Ki liliupo mañi? Ni se ni lifile kale kwa lituwelo za ka, za lifu la Hae, kupumbekwa, ni zuho. Na tiloba na, kuli Ni be Yena. Cwale, Na tilo ba muezalibi, kuli Na ni be mwana, amen, ni kuba ni pampili ya bupaki bwa liliupo. “Kakuli lisupo ze lika latelela baba lumela,” mwabona, pampili ya bupaki!

Cwale kapili, lusika . . . Luna ni mizuzu ye lishumi cwalo ye siyezi.

²⁵⁴ Halu lemuheni cwale, kapili, kufiwa mata kwa Moya. Ni ka mi bonisa lisupo zeñwi kuli mu utwisise. Mutualime, cwale mutualime seo, ona “Mata a fa piliso ani” sa bezi toho ya taba yaka. Kasamulaho Mwana ha sa zuhile, mutualime mo ne Ku ezahezi ka la Pentekota, sa Na ezize ku bona, seo Mata afa piliso sani na ezize ku bona. Na ba akufisize ka bupilo.

²⁵⁵ Cwale halu lemuheñi sa Na ezize ku Setefani. Setefani na tezi Mata afa piliso. Nji ne si cwalo? Mwabona, na tezi Mata afa piliso. Na si ka mueza kuba wa boi. Na ize kuli, “Mina ba milala ye omelezi ni baba sina mupato mwa pilu ni lizebe, musweli ku hanyeze Moya o Kenile; sina bo ndata mina mo ne ba ezelize, ni mina ki mo mu ezeza. Ki ufi kwa bapolofita bene ba bonisize kutaha kwa Ya Lukile, bao bo ndata mina ba si ka pobaula ka

macwe?" Oh, mawi! Ne uezize sesiñwi ku yena. Luli, na tezi Mata a pilisa.

Mi se bali, "Luka mu bulaya mucaha yani!"

²⁵⁶ Mi cwale hana shwile, ba mu pobaula ka macwe; mi toho ya hae yenyinyani, macwe na sweli ku nela cwalo. Ki ha talima mwa halimu mi ali, "Ni bona Lihalimu li kwaluhile." Mata afa bupilo na beleka. "Ni bona Lihalimu li kwaluhile, mi Jesu uyemi kwa lizoho la silyo la Mulimu." Sani kona seo Mata afa bupilo na ezize ku Setefani.

²⁵⁷ Mulemuhe mucaha yomuñwi, nana ni ona Mata afa bupilo ani, libizo la hae neli Filipi. Na tezi hahulu Mata afa bupilo. Nana ni mukopano o mutuna hahulu kwa Samaria. Mioya ya diabulosi nenze i lelekiwa. Sicaba ne si kolobeza ka Libizo la Jesu Kreste. Neba na ni mukopano wa niti. Mi ni Moya wa bulela ku yena, oh, ona—ona Mata na sa tile fafasi, mi Ali, "Siyaancafazo ye." Kono ki sikamañi sene ba ka bulela bakutazi? Hakuna shutano ku se ba bulela. Mwabona? Na tezi fela Mata afa piliso. Nana ni mafula a zamaisa lika, ni ona—ona Mata na mu wezi fahalimu. Ali, "Zamaya mwa lihalaupa."

²⁵⁸ Mi a katana nduna mwateni, mi a mu kolobeza ka Libizo la Jesu Kreste; mutu alimuñwi, ya na isize Liñusa kwa Ethiopia. Ki niti kana? Mi a utwela Mulimu.

²⁵⁹ Mwa ku utwela Mulimu, haiba nji ha mu si ka kolobeza kale ka Libizo la Jesu Kreste, mueze cwalo, mi mutualime Mata afa bupilo ha ka mi nanula. Mwabona?

²⁶⁰ Fani Stefani hana ezize taba tuna ye...kamba, isiñi Setefani. Kono Filipi na ezize taba tuna ye, ku siya ancafazo tuna yani ni kutwela litaelo za Mulimu, mi hana talelize, ka kutala...Ka ku kolobeza nduna yo, ka kutwela Mulimu, na tezi hahulu Mata afa bupilo kufitela A mu isa kwahule. "Aka fa mata kwa mibili ya mina ye shwa, haiba Moya wo no zusize Jesu kwa bafu." Ne ufile mata a pilisa ku Filipi kufitela mane ha na si ka boniwa ka limaili ze mwanda ni mashumi aketalizoho, kwa sibaka sesiñwi kusili, mi mwa naha isili. Ne ufile mata kwa mibili wa hae wa nama. Na ezize cwani? Na tezi hahulu Mata afa bupilo.

²⁶¹ Oh, Keleke ya Mulimu yapila, halu koni kuyema fa litaba za kunatifaza inge swikili ze lu sweli ku umbwaeta kacenu. Lu lukela kuba ba batezi ni kulapela luli, ka Mata afa bupilo, kufitela kufiwa mata a bupilo kwa Moya o Kenile! Lu swanelia ku swaseha, zazi leliñwi, mwa Kuungelwa kwani mwa buse. Eeni, sha. Amen! Oh, mawi!

²⁶² Musike mwa iseza ngana kwa mubulelelo wo. Ne ni sweli ku nahana ka me ya ezanga masaka ani, ne lu ezanga cwalo, za mbututu. Babañwi ba ku mina boma ba kale mwa li hupula. Mbututu yomunyinyani ukala kulila; munga litoze za kofi ni swikili nyana, mwa i tateza mwa kasaka ni ku mufa kuli a

mumune, ili ku mu kuzisa fela. Hakuna buiketo ku zani. Li ka mu bulaya. Mwabona? Ona buhali bwa kafeini yani mwateri, ni zeñwi, ki munati nyana wa kueza kuli amize, ki ku kenya buhali bwa kafeini ku yena.

²⁶³ Lu katezi ka lika ze swana sina zeo. Amu kute! Mina mu limbande; mukutele kwa Linzwi la Mulimu! Mube ba batiile; hakuna se si kona ku holofaza maikuto a mina, kabakaleo mu lukuluuhile kwa maswabi kaufela a mutu. Kaufela sa bulela mutu ka mi lwanisa, sani si ka tisa fela lilato leli ñata. Amen. Mi, Mata afa bupilo, mu swasehile mwa libaka za Mahalimu, ki mbande ye fufela fahalimu a likuhu, mwa mbyumbiyulu mwa halimu mwa libaka za Lihalimu ku Kreste Jesu! Oh!

Ne uli ku Filipi. Ono mu akufisize ka bupilo, ku mu isa kwahule.

²⁶⁴ Ha lu ngeni muuna yomuñwi. Neku na ni muuna wa libizo la Enoke. Cwale, na zamaile ni Linzwi la Mulimu kaufela, ka myaha yelikani mianda ye ketalizoho. Nabile ni bupaki, kuli, “Ha ni si ka palelwa Linzwi la Hae nihaiba ka nako iliñwi.” Na amuhezi Mata afa bupilo amañata luli fani Mata hana tilo mu wela, fa Libelekiso zani, mane na sa lukeli kushwa; na kambamezi fela kwa Hae. Na kalile fela ku zamaya. Na li cwalo . . . Sina Filipi, na amuhezi hahulu Mata afa bupilo, mwa sibaka sa kuya kwa Gaza ni kuya kwa sibaka si sili, ko, ne ba mu fumaní mwa libaka ze lumbile zani kwani. Bakeñisa kuya ka nzila yani, ha ikela fela, oh, ali, “Ni mutu ya hulile, ni hakuli cwalo. Ni na ni Mata amañata hahulu afa bupilo, Ni ka zamaya fela kuzwa mwa lifasi.”

²⁶⁵ Ani kona Mata aswana afa bupilo e lu nani onafa cwale. Mwabona, Aka fa mata kwa mubili wa mina wa nama. Kana ha ku cwalo nji? Kona Mata atisa kwa bupilo.

²⁶⁶ Enoke, ni bupaki bo bu petehile bwani, kuli, “Lika kaufela za na ni bulelezi Mulimu kuli ni eze, Ni ezize. Likा kaufela ze Ni boni za Na ni bulelezi kuli ni eze, Ni ezize.” Mi a ba ni buñata bwa—bwa Mata, kamba—kamba Libelekiso, kufitela, fani Mata atisa kwa bupilo ha to mu wela, ona Libelekiso, Na mu nanuzi fela mwa halimu. A zamaya fela kuzwa mwa lifasi, kukena Lihalimu.

²⁶⁷ Cwale, cwale mulemuhe, ku Elia. Kasamulaho . . . Mutualime, Elia, yena mupolofita yomutuna yani, muuna mwa lizazi la hae. Muni swalele. Muzwale, kezeli, mwa lizazi lani na omanyize basali bene ba ipentile lifateho, bo Jezabele bani ni bo Akabe. Mi ayema inza kuzize . . . Mi hakuna mutu yomuñwi, yana bonahala sina, kuyema ni yena. Mi a ba kalimela, ni ku bulaya, mi a icemela kwande kwani, mi Mulimu na sa mu babalezi ni ku mu tusa mwa libaka kaufela. Mwa ziba, muuna muhulu yani akatala zazi leliñwi. Mi ali, “Ni ya ni supala, kacwalo ha Ni sa kona ku zwelapili ni hanyinyani.” Na sweli kuya cwalo, Na sepa, kuba

wa myaha ye nainte ya kupepwa; na supezi luli, mi inza zamaya kwani, mi na tezi hahulu Mata atisa kwa bupilo. Mwa ziba kuli kiñi? Na talimile mwa buse bwa Jordani.

O Mulimu! Na kona kubona mwa buse. Mina bo?

²⁶⁸ Kutala luli Mata atisa kwa bupilo, konji, hana tilo bona koloi yene shetumuka fahalimu faale, lipizi zeñwi za Mulilo ni koloi ya Mulilo, inze i kakatezi kwa kota yeñwi cwalo faale. Ki ha sila fela nuka mi aya kwa Hae, kusina nihaiba kushwa. Mata atisa kwa bupilo na lumilwe, atisa kuli koloi i tahe kuzwa kwa Lihalimu ni ku mu shimba mwa halimu. Mane anopa koti ya hae ni ku i nepela Elia. Yani ki niti.

²⁶⁹ Cwale, mi cwale mutangana yani anopa kubo yani, mufuta wa Keleke hape, mwabona, anopa kubo yani. Cwale, aeza habeli kwa limakazo, yeli mufuta wa Kreste ni Keleke. Mwabona? Elia na ezize zene; yena aeza ze ketalizoho ka zetaalu. Mwabona, cwale, nabile—nabile ni mata habeli, kakuli na ikupezi ona. “Lika zetuna kufita ze Ni eza ze muka lieza ni mina.” Mwabona? Kono na tezi hahulu Mata atisa kwa bupilo, ni lika kaufela, kufitela ha eza lika ze kaufela, habeli, za na ezize Elisha, kufitelela za na ezize. Mi mulemuhe, na pilile bupilo bo bu pahami kufitela mwendi ka myaha ye eite kamba nainte ya kupepwa, ki ha supala mi a—a shwa. A shwa, mi ba—ba muisa a yo pumbekwa.

²⁷⁰ Mwa ziba, kihande, Mata afa bupilo ani na si ka mu siya. Myaha, ye miñata ñata kuzwa fani, fani nama hane se i bolile kuzwa kwa masapo a hae, na lobezi mwa libita. Mi ne ba nanuzi mutu ya shwile zazi leliñwi, mi ba bona sila, mi se ba yumbela fela muuna yo fa masapo a Elisha. Ne kuna ni hahulu Mata atisa kwa bupilo mwa masapo ani konji mane mutu yani atula kuba ni bupilo hape. Oh!

²⁷¹ “Aka beya mata mwa mibili wa mina o shwa.” Ni ha mushwile ku bola mwa libita, kono niteni Mata a tisa kwa bupilo ani na sa inzi fa masila ani. Haleluya! Uh! “Yana zusize Kreste kwa bafu uka zusa ni mibili ya mina ye shwa.” Yena Elia wa kwa kale kwani, Elisha ni Elia . . .

²⁷² Muhupule, muuna ya na shwile, mupolofita yani, kutala Mata a tisa kwa bupilo ani, na lobezi mwa libita mwani inza bolile; neku na ni hahulu Mata a matuna atisa kwa bupilo, konji, ba nepela muuna yana shwile fateni, ataha kwa bupilo. Na sa kona kubeya mazoho fa bakuli. Nji na si ke ku kona? Amen. Ki fo he cwale.

²⁷³ Mi amu hupule, luna lu nama ya nama ya Hae, Jesu Kreste. “Luna lu nama ya nama ya Hae, ni masapo a masapo a Hae.” Oh, hakuna mukwa wa kuzwa ku zona. Lu ka zuha, mi kipeto. Mu ka zuha, ku felile.

²⁷⁴ Paseka i talusa zetuna hahulu kufita sizo fela. Ku cwalo hape, kwa mibili ya luna ye filwe mata a pilisa ni Yena mi lu inzi mwa libaka za Mahalimu.

²⁷⁵ Mi mibili wa kona ku bola mwa liwate; wa kona ku bola mwa mubu; hakulata haku koni kuba nihaiba mufuse otala luswana; kono uka zuha. Kakuli, ona Moya ono zusize Mulena ka kwa bafu ufile mata atisa bupilo kwa mibili o shwa wo. Ufile mata atisa bupilo kwa mibili wa mina o shwa. Mi luna lu ikabela mwa bunde bwa Hae ka zuho ya Hae, mulao wa Hae wa Bupilo Bobusafeli wo Ni sweli kubulela hahulu ka ona, mwa ziba. Ki kabakaleo Na ize, “Musike mwa saba.” Na ka ziba.

²⁷⁶ Kakuli Paulus na bulezi kuli, “Lifu, buhazo bwa hao bu kai? Libita, i kai tulo ya hao? Ni tezi hahulu Mata aiswa kwa bupilo. Tumbo ibe ku Mulimu, Yena ya lu fa tulo ka Mulena luna Jesu Kreste.” Eeni, sha! Mata atisa kwa bupilo. Oh, mawi!

²⁷⁷ Yena wa pila kuyakuile, “ya swana maabani, kacenu, ni kuyakuile.” Maheberu 13:8. Mulemuhe, Mesia, ya Tozizwe; ni Munyaliwa wa Hae u cwalo, ba habo Mesia, yena ya Tozizwe.

²⁷⁸ Mulemuhe, lifu ha li paleliswi Mata a Mulimu atisa bupilo. Lifu halikoni ku Li tuhelisa. Ha mu nani Zona, ki Za kuyakuile. Hakuna se si ka Si tuhelisa. Hamukoni ku Li swasa; hamukoni ku—ku eza sika ka Sona. Mupile bupilo bwa mina cwalo, sani niteni ha si Li tuhelisi; ka bunde fela mo Si lukela kubela.

²⁷⁹ Mulemuhe, Mushe utezi Mata atisa bupilo ani. Nali cwalo nji? Nali mupolofita yo Linzwi ne litile ku yena. Nali siemba sa Linzwi. Nali yena Linzwi la lizazi lani. Ki niti yeo nji? Mi kasamulaho amano shwa, myaha ye mianda ye ketalizoho ka yemilalu; fa Lilundu la Kubenya, na yemi fani, ni Elia. Ku cwalo nji? Mata atisa kwa bupilo, lifu halikoni ku Li zusa fateni. Batili, batili. “Ni ka mu zusa hape.” Mangeloi ataha; ku mu pumbeka mwa musindi wani. Na sa bolile ni ku yonga, masapo a hae na sa yundile, ni zeñwi kaufela, kono Mata atisa bupilo na sa li mwateni. A mu akufise ni ku mu zusa. Mi ki yani fani, inza yemi fani. Mulemuhe.

²⁸⁰ Mu li, “Ki niti yeo kana, Muzwale Branham, hasamulaho wa myaha ye mianda ye ketalizoho ka yemilalu?” Oh, mawi!

²⁸¹ Hane mu ka bala mwa Mateu, Ni na ni Liñolo, Mateu 27:51. Mwakona kuñola, mu li ñole. Fani kaufela bona ba kwa mulaho kwani, bene ba lumela kuli Uka taha... Bibele ibulezi fa, kasamulaho Ha sa tile, ne ba lobezi mwa liluli. Mata afa bupilo bali fahalinwa bona, mi ne bali siemba sa Hae, ona ba bakenile bani. Nebali siemba sa Hae, kakuli ne ba lumela ku Yena.

²⁸² Ka swanelo neba nani Bupilo bwani, ka sitabelo sa ngu, yona tifo, ye ne sa koni kutisa moyo wa ngu kutaha ku mutu. Ku cwani he cwale ka Moya wa Mutu, Mulimu Kasibili, ku mina, mwabona, akuma kai Mata atisa kwa bupilo e luani! Kono kuya

ka tifo ya sibi yene filwe yona ngunyana, mwa mufuta. Se lunani ha ki mufuta; sa shutana ni mufuta. Ki sikamañi se lu saba? Mi bani bene bana ni fela mufuta, kusupa kwa zuho ya Hae, mi akena mwa libita ni ona.

²⁸³ Sina Jobo kwa mulaho kwani mwatasia ziezi ya hae, mawi, lika kaufela li amuhelwe ku yena! Diabulosi ali, “Tuhela ni ikungele yena. Ni ka eza kuli a Ku lwahe inza Ku talimile.” Mi cwale ki ha mu taseza.

²⁸⁴ Ali, “Usike wanga bupilo bwa hae.” Mi aeza cwalo (yena) aanga lika kaufela kwanda kunga bupilo bwa hae.

²⁸⁵ Mi musala hae ni yena mane a mu kwenuhela. Ali bupilo bwa hae ne se bubile bo bunca ku yena. Mwa manzwi amañwi, musali—musali na sina za kueza ni yena. Na sa bonahali ku mu lata ni hanyinyani, a mu kasheza fela kwahule. “Jobo, u nyandile! Kiñi fela ha u sa Iwahi Mulimu, ni kushwa?”

Ali, “U bulela sina musali wa sikuba.” Oh, mawi!

²⁸⁶ Mwabona, na swalelezi ku sa na nani. Cwale, nali mupolofita. Mi ali, “Ha ni muezalibi. Ni file sitabelo.” Amen. Na ziba fa na yemi. Na yemi fa Linzwi. Hakuna taba ka se ne ba bulela babañwi, na li hande ka Linzwi. Mi cwale ona hola tuna yani... Ali, “Ubulela sina musali wa sikuba.” Mi ali, “Mulena ufile, Mulena uni amuhile; kiñi, ku lumbekwe Libizo la Mulena!” Ali, “Ni tile mwa lifasi le kusina sika. Ni tile mwateri, mapunu, Ni ka kuta ka nzila yeswana. Ku lumbekwe Libizo la Mulena!” Ali kuina fani, a taselizwe ki limbongola, bana ba hae inze ba shwile, na sa kenezwi ki bubotana, mi balikani ba hae ne ba mu fetuhezi kaufela bona, ma membala ba keleke ya hae, lika zeñwi kaufela, inza iñwaya ka... Mi ki mubotana ya nyandile cwani! Hakuna ni yomuñwi wa mina yakile afita ku ze cwalo haisali. Niteni, na sa kumalezi kwa Linzwi.

²⁸⁷ Na li mbande. Oh, mawi! Hamukoni kutiba sika fa meto a hae ka nako kaufela. Batili, batili. Hañwi fela, inza yemi fa Linzwi lani, ki sikamañi sene si ezahalile? Mahalimu a kwaluha, mishika ya kala ku utwahala, mamonyi akala ku benya, mi Jobo atalima mwa halimu abona pono, ali, “Na ziba Muliululi wa ka wa pilo. Ka mazazi a mafelelezo Uka yema fa lifasi le. Nihaiba likokwani za mubili wa ka li ca mubili wo, masapo ni zeñwi kaufela, Mata atisa kwa bupilo ani akaba teni. Ni ka bona Mulimu ka lwaka, Yena ye Ni ka iponela na kasibili. Meeto aka aka bona mi isiñi usili.” Ki niti yeo nji? “Nihaiba makanda ainzi ku na aka ciwa, kamba mane likokwani lice mubili wa ka cwale, ku u sinya.”

²⁸⁸ Mwa ziba, likokwani za mubili ha li keni ku mina. Kokwani yani iteni kale ku mina, likokwani za mina bañi za mwa mubili. Kana mukile mwa lemuha cwalo? Ba mi beye mwa likwati, ni kutibela moyo ku sa kena; likokwani li ka mica ku feza, ka

mukwa o swana fela, kakuli linzi ku mina. Mina mu sishañata fela sa likokwani, ka kukala, mwahali mwani.

²⁸⁹ “Kamba likokwani za mubili, likokwani za mwa mubili, mubili wa ka, niteñi mwa mubili wa ka Ni ka bona Mulimu.”

²⁹⁰ Mi ka zuho ya kakusasana yani! Kanya! Haleluya! Mateu, yena muñoli yomutuna yoo, 27:51, naize, “Hasamulaho Amana ku zuha kwa bafu, kuli ba bakenile ba Tesamente ya Kale bani, buñata bwa babane ba lobezi mwa liluli la lifasi, ba zuha kuzwa mwa mabita, mi ba kena ni ku bonahala ku babañata.” Ona Mata atisa kwa bupilo ani, na sa li mwa masapo a Elia ani hane kusina nihaiba masapo ni hanyinyani, nihaiba ku Jobo hane kusina nihaiba liluli lelikona kutala luswana la mubili wa hae. Kono Mata atisa kwa bupilo na saliteni mwani.

²⁹¹ “Haiba Moya wono zusize Jesu kwa bafu uina ku mina, Uka fa mata kwa mibili ya mina ye shwa.” Mulemuhe, kapili cwale.

²⁹² Mu li, “Oh, kambe Ne Ni ka pila kwa mulaho kwani . . .” Mu pila mwa nako yende. Cwale kambe mwa . . .

²⁹³ Ni bona kuli musweli kuñola Mañolo. Ku lukile, hamuñole Matesalonika Bapili 4:16. Mulemuhe mo ku bezi bunde, mwabona. Mwa . . . “Baba kenile, baba lobezi ku Kreste, Mulimu ukaba zuba hamoho ni Yena,” mwabona, baba kenile mwa mabita, baba pumuzi. Sina Elia mwa na inezi; babañwi sina Elisha mwa na inezi; mwabona, babañwi ba kubona ne ba filwe mata a piliso, babañwi ba ka ngiwa, babañwi ba kaba mwa mabita. Baka ya ni Yena. “Tolombita ya Mulimu ika lika, mi baba shwile ku Kreste ba ka zuha pili. Mi luna baba pila mi lu siyezi luka ngelwa hamoho ni bona, ku katanyeza Mulena mwa mybyumbyulu.” Mata atisa kwa bupilo ku ba bapila; Mata atisa kwa bupilo ku ba ba shwile. Mwabona?

²⁹⁴ Ona Mata atisa kwa bupilo a Mulimu ani na bonahalile mwa bapolofita bababeli ba. Mutualime fa mabizo a bona, a bata kuswana, Elisha, Elia. Mwabona Munyaliwa ni Munyali? Yomuñwi wa bona ki Yena Jesu; yomuñwi ki Musala Jesu. Mwa bona, kubata kuswana luli, ki—ki mwahala yena—yena Muuna ni Musali. Mwabona?

²⁹⁵ Elia, mi amu talime mo ku taluselizwe mo. Cwale, Elisha . . . Na shimbilwe ka kuungelwa, ku yemela Keleke, ku lukile, Elia; ni Elisha ne ba pumuzi kufitela zuho. Mwabona? Kuswana fela sina nyunywani, i tokwa mafufa amabeli kuli i fufe hande ka swanelo. Mwabona? Keleke ne i talusizwe mwahala bapolofita bababeli bani. “Kakuli luna ba bapila mi lu siyala kufitela kutaha kwa Mulena, haluna ku laka baba lobezi; kakuli Tolombita ya Mulimu ika lila,” mafufa amabeli a kataha hamoho, mi lu ka fufa ku ikela, haleluya, kufufa ku ikela. Kakuli, (sikamañi?) ku ba bapila, kamba baba shwile, Mata atisa kwa bupilo ani a sa piña.

²⁹⁶ Mulemuhe. Muhupule, muhupule cwale, mufilwe mata a kubona lika ze. Mubone Mata atisa kwa bupilo a lizazi le. Muhupule, lu filwe mata atisa kwa bupilo. Ha ki kale hahulu, kwa tuso... .

²⁹⁷ Mi Ni—Ni sepa Mulena luna naize, mi mane ni Paulusi na bulezi kuli, “Sa ni bonisize Ndate, hakuna se Ni ipulukezi. Na mi bulelela.” Mi mwa mazazi a maungulo a ha luboni Mata a Hae afa bupilo fahalimwa luna, Na file Mata atisa kwa bupilo ku luna, ili kubona bakuli haba foliswa. Lu boni Mata atisa Kwa bupilo inza beleka mwahala luna, sina mo Ne kuinezi kwani ku bona mwa mazazi a pili, mwabona, mwabona Na tisize kukutela kwa pono ni ku zusa bafu, mwabona Na ezize bakuli kufola.

²⁹⁸ Zazi leliñwi ne Ni bulelela mutu yomuñwi. Neli Donavon Weerts yomunyani kwanu, Na sepa mina kaufela mwa mu ziba. Ne ni sweli kuzuma ni yena. Mutangana nyana yani... Ki mushimanu yomunde fa. Utaha ona kwa keleke kwanu. Uka... . Ki mulikana ka fela yomunde. Mi kona ha na sa... . Abulela kuli, “Ne ni sa lati ku ku kataza.”

²⁹⁹ Na talima, mi zebe ta hae, ne i keni mwahali, neku sa mwahali ne sili fande. Mi se Nili, “U cwani, Donavon?” Na mu swala fela kwa lizoho, sina *cwalo*, mi ni kansa. Na li, “Donavon, ki butata mañi bobuli ni zebe ya hao?”

³⁰⁰ Ki hali, “Hani zibi, Muzwale Branham. Mwendi ka likweli ze silezi, likweli ze supile, mi inza ekeza fela... .”

Se nili, “Ki kabakalañi ha no si ka bulela sika ka sona?”

³⁰¹ Ali, “Ne—Ne ni sa lati ku ku kataza, Muzwale Branham.”

Se nili, “Kana wa ziba kuli ki sikamañi?”

Ali, “Ni na ni munahano.”

³⁰² Na to mu beya fela lizoho la ka fahalimu, ne ni si ka bulela nihaiba linzwi. Mazazi amabeli kadumulaho wa fani, ne kusina nihaiba liñiba. Ki sikamañi seo? Ki Mata atisa kwa bupilo, mwabona, A ka mi beya mata mwa mubili wa mina o shwa. Zebe ya hae ne i ka ciwa, booko bwa hae kambe ne buile, mwabona, kambe na ka shwa. Kono, Mata atisa kwa bupilo! Mwabona?

³⁰³ Mi zazi leliñwi Ne ni katezi hahulu, na kasibili, ka za... . Se nili, “Haiba nji mu... . Mushimanu, ki hande uye kwa pata, una ni myaha ye mashumi aketalizoho cwale ya kupepwa. Wena, haiba ukaba ni ku ezeza sika Mulena, ku hande kuli uakufe kusi eza. Uya u supala.” Mwabona? Mi kwani kakusasana wani, Mata atisa kwa bupilo ataha, mi A ni lumeleza kutalima kwa buse bwa lisila, mi Ne ni boni mina kaufela kwani. Uh-huh. Mwabona? Mi ali, “Bo kile wa lata kaufela, mi kaufela bona ne ba ku lata, ba filwe ku wena.” Mwabona? Ne ni ba boni kaufela bona kwani ona *cwalo*. Neli sikamañi sani? Mata atisa kwa Bupilo.

³⁰⁴ Joani musinuli na tezi Mata atisa kwa bupilo, ha na yemi ni kubona mafelelezo kuzwa kwa makalelo.

³⁰⁵ Isaya na tezi hahulu Mata atisa kwa bupilo, ayema mi abona Mileniamu ni lika kaufela.

³⁰⁶ Mata atisa kwa bupilo! “Mi haiba Moya ono zusize Kreste kwa bafu, uina ku mina, Uka beya mata mwa mibili ya mina ye shwa... mibili ya nama.” Muhupule, ki Mata atisa kwa bupilo!

³⁰⁷ Mutualime se lu boni mwa lizazi le. Ona Mata atisa kwa bupilo atile ku luna, ku to kwalula Maswayo Asupa. Neli sikamañi sani, neli butali mwa mutu njí? Batili, neli Mata atisa kwa bupilo a Mulimu. Mwabona, ki Mata atisa kwa bupilo a Mulimu na bulezi kale kuli sa kuli ne si ka anga sibaka. Mwabona, Mata atisa kwa bupilo a Mulimu na ezize kuli lifasi lipake za Teni, kona Niti. Lingeloi la Mulena, Ne ni mi bulelezi kuli, ne li liteni, mwa Siita sa Mulilo; Mata atisa kwa bupilo na ezize lifasi ku paka kuli Ki Niti. Mi, ku sani, ne ba sa zibi kuli Ki sikamañi; mi ne lu ziba, mutualime fela kwa neku *le*, mi yani Ki Mulena luna fahalimu fani, mwa bona.

³⁰⁸ Ki Yena ya Na kwaluzi Maswayo ani. Yena ki yena Maswayo ani, kakuli Linzwi la Mulimu ki Kreste, mi Kreste ki yena Maswayo ana kwaluhile ani. Kukwaluha kwa Maswayo ki sikamañi cwale? Kupatulula Kreste.

³⁰⁹ Mi ona Mangeloi asupa ani, ana yemela Likeleke ze Supa kaufela ka kupetahala, mi mane ne lusike ku kona ku Li bona. Ne ba kopile, ne ba ngile siswaniso, isiñi luna. Mi ki Yo uinzi fa, inza yemi fani, Muatuli Yomutuna; ku bonisa kuli ki Yena Alfa ni Omega, makalelo ni mafelelezo. Ki ponahazo ye cwani! Mata atisa kwa bupilo kona ana ezize sani ku luna.

³¹⁰ Mata atisa kwa bupilo alutusa kubona kutaha kwa Hae. Mata atisa kwa bupilo na lu kumuzi kuzwa kwa lifu kukena mwa Bupilo. Mata atisa kwa bupilo afa temuho ya lika; kuziba se si fosahalile ku mina, ni sa kueza; se mu ezize, ni se ne mu sa lukeli kueza; ni se ne mu lukela kueza, ni se mu kaba sona. Mata atisa kwa bupilo, lika ze kamukana!

³¹¹ Mulena luna Jesu utezi hahulu Mata atisa kwa bupilo, Nali yena ku Zona kaufela. Na tezi hahulu Mata atisa kwa bupilo, Na bulezi kuli, “Musinye mubili wo, mi Ni ka u zusa mwa mazazi a malalu.” Mubulele ka sepo mwa Mata atisa kwa bupilo! “Musinye mubili wo, mi Ni... tempele ye, mi Ni ka u zusa mwa mazazi amalalu.”

³¹² Kiñi, kiñi ha Na bulezi cwalo? Na zibile kuli ne li ñozwi ka Yena, mwabona, kuli ne li ñozwi ka Yena, ka Linzwi la Mulimu le li sa koni ku palelwa. Lona Linzwi ne libulezi kuli, “Hanina ku siya Ya Kenile wa Ka kubona kubola, kamba nihaiba kuli Ni tuhelela moyo wa Hae mwa lihele.” Mi Na zibile kuli ona Mata atisa kwa bupilo anina ka Mu zusa, kuli ne ku sike kwa nihaiba kalulo ya buino bwa mubili yene ka bola.

³¹³ Na ize kuli, “Musinye tempele ye, mi Ni ka u zusa hape mwa mazazi amalalu.”

³¹⁴ Kiñi? Neli sipołofita, Linzwi la Mulimu. Mi sipołofita, haiba nji Ki Linzwi la Mulimu la niti, ha sikone ku palelwa. Mi sipołofita se siswana ni Linzwi la Mulimu ya na bulezi kuli Uka Mu zusa, libulela kuli lu zuhile kale ni Yena. Ki kabakaleo Na bulezi kuli, "Mu si sabi." Mi ku ñozwi, kuli, "Moya fo ki cwale, onoli ku Yena, cwale u ku luna, hape wa fa bupilo kwa mibili ya luna ya nama." Mu si sabi, mulikani, yena M-w-a-n-a-u zuhile. Mwana u zuhile. Batili . . .

³¹⁵ Cwale fa kubenza kwani. Ne luli, mañi ni mañi, na yemezwi kwani. Neku na ni ba bakenile ba bapila bene ba ngilwe, neku na ni Elia yana yemi fani; mi ne ku yemi ni Mushe, ba bakenile baba shwile ne ba ye- . . . Hape, sibeli sa bona ne ba na ni Mata atisa kwa bupilo. Kamba yomuñwi na shwile, mi yomuñwi na si ka shwa, kaufela bona bateni kwani.

³¹⁶ Mulemuhe, oh, mutualime seo luli sona ka kubona mwa mazazi a maungulo a. Ki taba yeswana ya Na sepisize, Joani 14:12. Cwale mutualime. [Hakuna manzwi fa tepu—Mu.] Kaniti.

Sicaba sili, "Mu ipapata kuba ni mata?" Batili, batili, batili.

³¹⁷ Lu swana fela sina bona fa Lilundu la Kubenza lani, mwabona. Kaniti, halu ipapata mata afi kaufela. Kono, luna, sina—sina mo ne ba inezi . . . Fa Lilundu la Kubenza, ne ba sa buleli, Mushe, kuli, "mwabona yo, mwabona yo Nili yena," balutiwa ne ba bulezi kuli, "mwabona yo Nili yena, mwabona yo Nili yena." Mwa ziba sene si ezahalile? Mulemuhe, ne ba boni Jesu ya filwe kanya. Sani kona se ne ba batile ku bona ha si taluswa, Jesu ya filwe kanya.

³¹⁸ Mi kucwalo ni kacenu, ha lu liki kuba mutu yomuñwi yomutuna. Haluna taba ka se ba bulela batu ka luna. Libizo la luna ha ki sesiñwi; ki Libizo la Hae. Bupilo bwa luna, ha ki sesiñwi; ki Bupilo bwa Hae. Ki Mata a Hae, isiñi mata aluna. Mi kuna ni fela nto iliñwi ye lu lata kueza, ki ku Mu bona ha filwe kanya. Mi ku kona kuba cwani? Ki haiba U kanya ku luna, ka zuho ya Hae ku luna. Lu Mu bona hape ka mwa Na inezi, kacenu.

³¹⁹ Kana mu i kutwezi seo? Mwabona, takazo ya luna ha ki kufiwa kanya. Takazo ya luna ha ki libizo leliñwi lelituna. Takazo ya luna ha ki kuzwiseza pili keleke yeñwi, kamba kutisa babañata mwa sikolo sa la Sunda, kamba kulika ku kenya mwateni, litaba, za ku hohana, kutisa mukiti wa lipapali, kamba kutisa baika, likunupo, kamba zeñwi ze cwalo. Yani ha ki yona takazo ya luna. Takazo ya luna ki ku Mu bona ha fiwa kanya. Kufiwa kanya, (sikamañi?) isiñi ka muikuhumuso wa kuikeza; kono ku luna, bupilo bwa luna, ku paka kuli Wa pila mi upila mwahala luna.

³²⁰ Haiba Ni kona kuzwa mwa nzila, fohe William Branham asike a hupulwa ni hanyinyani, mi ni mina musike mwa hupulwa ni hanyinyani, kufitela lu bona Jesu ha fiwa kanya mwahala luna. Mwabona Yena, kona takazo ya luna. Ani kona

kuakufi-... a lufa Mata atisa kwa bupilo. Mi li lufa tabo, ya kuziba kuli lu inzi ni Yena, hamoho lu masapo ni nama ya Hae, kakuba Munyaliwa wa Hae; ni kubona mikwa ya Hae yeswana i pakiwa, ku paka ku luna kuli U sa zuhile kwa bafu cwale. Mwabona?

³²¹ Ki kabakaleo Na bulezi kuli, “Mu si sabi”, kakuli cwale, mulemuhe, lu pilisizwe ka Yena, mi cwale lu zuhile ni Yena. Sani kona seo Paseka i talusa kwa sicaba, “ku zuha ni Yena”! Mulemuhe. Cwale luna ni Moya wa Hae ku luna, pampili ya sika ne i lifilwe ka kutala.

³²² Batili, musike mwali, “Kihande, Ni sepa Ni ka kona.” Mu se mu konile kale. Haki kuli, “Ni ka kona.” Ni konile kale. Nali kuba ni kone; Na ni ezelize zona. Mwabona? Haki na; Yena! “Kihande, Muzwale Branham, ba bulela kuli...” Hanina taba ka se ba bulela. Na li ezize kale kwani, ku ni ezeza. Zani kona ze Ni bata, ze Ni tokomela.

³²³ Fela ni—Fela ni bata ku Mu bona ha iponahaza. Mukona cwani kueza sani, ku Mu biza kuli a shetumuke? Batili. Uina ku mina. Mwabona, Uina ku mina. “Kihande, he, Mulena, haiba Ni kona kuzwa mwa nzila, Wakona ku iponahaza. Na kasibili... Kana U kona cwani ku lieza? Kakuli No li tomile kuba cwalo. ‘Bao kaufela Ndate a Ni file ba ka taha ku Na.’” Mulemuhe. Kanya!

³²⁴ Ka bupaki bo kaufela bo bu fumanwi, ku luna kakusasana cwana, oh, Ni nahana ka pina yani:

Mwa zuho ya kakusasana wani,
Fo litamo za lifu halita lobiwa,
Lu ka zuha, (Haleluya!) lu ka zuha!

³²⁵ Mwa lumela cwalo? [Kopano ili, “Amen.”—Mu.] Lu ka zuha! Ku Yena luba siemba sa Hae, yena Paseka, ili kunutu ye patuluzwi ya Mulimu sina mo ne i inezi kwani, ya Bupilo kasamulaho wa lifu. Lwa pila cwale, luna bene ba shwile sapili mwa sibi ni mwa bumaswe. Yona Swayo ya Paseka ya niti i lobile lifu ku na, mi Na pila. Liswayo la Paseka, kwa simuluho, ne li lobile liswayo la Siroma, Liswayo la Paseka, la Na kwahezwi ka lona. Mi batu, hane ba shwile, ne ba icongile; kono Na lobile liswayo ni ku patulula kunutu. Mi cwale Mulimu, ka Moya wa Hae o Kenile, na lobile liswayo kuzwa mwa bupilo bwa luna, mi Kreste u patuluzwi Ha nza pila ku luna, ka nako ya cwale lu filwe mata a bupilo ni Yena. Oh, likepe mwa mulaho wa likepe!

Lu ka zuha, (Haleluya!)
Lu ka zuha! (Amen!)
Mwa zuho ya kakusasana wani,
Fo litamo za lifu halita lobiwa,
Lu ka zuha, (Haleluya!) lu ka zuha!

³²⁶ Oh, kana ha mu si ka taba! Ni tabile hahulu! Kwa nako ya kwa mulaho kafoo, mwa muluti wa kota kakusasana omuñwi,

maswayo na kwaluhile, ni Na zuha ni Yena, nili sibupiwa sesinca. Mata a Hae atisa kwa bupilo; Mwana u zuhile.

³²⁷ Haki kale hahulu, Ne ni bulelezwi likande nyana ka za—za muyambi. Mutangana ataha ku to kupa muyambi kuli amuisse kwa kuyamba kwa Likamba la kwa Wiko. Ne baile kakusasana wani.

³²⁸ Haiba nji yomuñwi wa mina mufelize hande kafo ka za salumoni, kiñi, mwa ziba se si ezahala, ku banga mbundu yetuna kwande kwani. Ne ni boni muzwale yomunyinyani, Eddie Byskal, kwatasi kwani, mubuleli wa ma Indian kwande kwani. Mi lwa feza, ili luna, kwa makamba kwani.

³²⁹ Kacwalo muyambi yo neli yomunca yana sa ituta, mwa ziba. A yo yamba, mi ne batuta. Ku libelela musihali kuli utahe, mwa ziba. Mi neba—mi neba si ka utwa ngongi ni hanyinyani, mi muyambi yo atabela hahulu, mane, “Ali, lwa silela fa ngala! Yela!” Ataba hahulu.

³³⁰ Mi ali, “Ina fafasi, mushimani. Ina fafasi.” Muyambi wa kale yani, akuza, mwa ziba. Na zibile za na ambola fateni. Ali, “Libelela fela lizazi li pahame, konakuli lwakona kubona fo luinzi.”

Mu li, “Kana Ni be wa Methodist? Baptist? Pentekota?”

³³¹ Libelela fela. Mwana a zuha, luka bona luka bona fo lu inzi. Ki yena Linzwi. Mulitele kufitela mubona Linzwi ku talelezwa, inze li benya Peu, ki ku bonisa kwa Ñata, lu ka bona fo lu inzi. Kana mwa Mu lata nji? [Kopano ili, “Amen.”—Mu.]

³³² Mu ni swalele Ni mi bulukile nako yetelele ye kaufela. Ki babakai ba mina baba kaina ku libelela busihu kacenu? Oh, mu tahe fela hape kanti, manzibwana a, mwabona. Mwendi ka sebene kiloko? Kana muna ni yomuñwi hape? [Muzwale Neville uli, “Batili.”—Mu.]

Halu inamiseni litoho zaluna.

³³³ Kana kuna ni alimuñwi mo, kamba babañata, ki mañi ya sina Mata atisa kwa bupilo ani ku yena? Mwana u monyehile kai ni kai, mi muinzi mwa tabernakele ye, baba teelelize kwa matepu a, kono niteni Moya wali kuba u mi fe mata a pilisa kufitela mulatelela Linzwi la Mulimu, kuli mina basali ni mina baana mwakona ku utwela Linzwi kaufela La ñozi! Oh, yani ki taba ye maswe. Ku cwani kambe nemuli peu ye shwile, kusina Bupilo ku mina? Kono kuna ni sesiñwi ku mina, seo sa mi bulelala, “Ni—Ni bata ku zuha, kakusasana cwana. Ni bata ku zuha kwa mwa buino bo Nili ku bona. Hani lati kuba fela peu ye shwile, ku siyala mwa masila ni mwa mubu. Ni bata ku zusa.”

³³⁴ Ha mu nanule mazoho amina, muli, “Uni lapelele, muzwale”? Mulimu ami fuyole. Mulimu ami fuyole. Mawi, mutualime mazoho ao; hakuna mukwa wa ku bizeza sicaba kwa katala. Se lu biza kuli pizo ya litapelo kwa katala, batu ba taha

kwa katala, Hani yo hahulu ku zona, nihakuba cwalo. Zani ne li ekelizwe fela kwa keleke mwa mazazi a ancafazo ya ba Methodist. Mwabona?

³³⁵ Bibele ibulezi kuli, “Kaufela baba lumezi, mwabona, ba kolobezwa.” Kuna ni lisa fa, le litezi mezi, alibeleta mutu kaufela ya itukisize kushwa ku yena muñi.

³³⁶ Cwale, mwakona ku pumbekwa mwateni, linako zeñata, ka Libizo la Mulena Jesu; kono konji peu yani ibe Bupilo, mwabona, Haiba ku itisa kwa bupilo. Batili, batili, batili. Kolobezo ya mezi iswana sina puka ye wa kwa halimu; ya kona kuwela fa peu, kono, hakuna Bupilo mwateni, haikoni kupila.

³³⁷ Kono haiba nji kolobezo ya niti ya mezi yani, ya lifu ku mina bañi, mi mu itukisize ku shwa kwa lika kaufela ze mu lutilwe ka lituto za bulapeli ni za likopano, ili ze shutana kwa Linzwi, mi mu ka zamaya sina mwana mushimani kamba musizana wa Mulimu, mi mutualuse cwalo mwa pilu ya mina, mutualime kolobezo ya mezi yani se ika eza ku mina kakusasana cwana. “Mubake, mañi ni mañi wa mina, mi mu kolobezwe ka Libizo la Jesu Kreste ka swalelo ya lifoso za mina, sibi sa mina, mi mu ka amuhela Ñata, nubu yene boniszwe. Mu ka amuhela Mata, ona Moya o Kenile. Kakuli sepiso i ku mina, ni bao kaufela. Kwa masika kaufela, kukaba cwalo.”

³³⁸ Mulimu Ndate, Ni—Ni bulezi hahulu, ni kunga hahulu nako yeñata ya sicaba, kono, Mulena Mulimu, hakuna kuyema ku zona. Ku bonahala fela kuli ulukela fela kutuhela ni kuikela kusili, ku yo pumula, ni kuyo kuta. Lu pila mwa lifasi lelishwa, mwahala sicaba se sishwa; ni Liñusa la Bupilo, mi ni bupaki bwa zuho. Mulimu Yomunde, lukaba fela baba shwa hañwi, mi ki sikamañi se lukaba haiba lu tuhela kuil nako ye ilusiye?

³³⁹ Lipilu za luna za tuka; miyo ya luna itabile; yona ye tile ye. Mi babañata mo basweli kuteeleza kwa Liñusa le. Eeni, baba eza mianda yemibeli kamba yemilalu ba nanuzi mazoho a bona. Ba bata ku lumela, Mulena. Oh, kaniti peu yani haisika shwa, Mulena. Ne ba ka kona cwani kunanula mazoho abona cwalo? Kuna ni sesiñwi. O Mulimu, ki butu bwa kale, ki musala Jobo ya yemi fani, uli, “Oh!” Kono, Mulena, tuhela kuli Jobo yani, mulumeli yani, akene, kakusasana cwana, ashwe kufelelela, mi apumbekwe mo mwa kolobezo ya mezi.

³⁴⁰ Maloteli a puka yezwa kwa Lihalimu, Linzwi la Mulimu leli bulela kuli Ni ka tapisa sibi kaufela ni ku si swalela! Mu kolobelizwe mwa Libizo la Jesu Kreste, bakeñisa ñi? Kwa swalelo ya sibi sa mina, libi li swalezwi ka Libizo la Jesu Kreste.

³⁴¹ Mi, cwale, Ndate, haku... Haiba ba kula, ha ba kute banze ba iketile. Mi, haiba ki lihole, haba zamaye mwataswa Mata a Moya o Kenile. Haiba nji ba bile baezalibi, haba zamaye ba tapile ni kukena. Mi libelekiso, ka kukena mwateni; Mata atahé kuzwa kwa Halimu, ona Moya o Kenile, mi uba swale, Mulena. Ufe

mata a pilisa kwa mibili ya bona, mi lu ka utwa malimi a niti amanca, mata a Mulimu, lilato le li sa bulelwi, sishemo se si shwa ni sishemo se si pila; ni Kreste ya zuhile, Mubili, Munyaliwa ya yemela Yena mwa lifasi.

³⁴² Ndate, habali ba Hao. Ba nanuzi mazoho a bona. Ni kutilize Linzwi. Cwale, Ndate, ba amuhele, Na lapela. Ka Libizo la Jesu Kreste, Na li kupa. Amen.

³⁴³ Mwa Mu lata? [Kopano ili, “Amen.”—Mu.] Ha ki Yomunde nji? [“Amen.”] Kana mwa ikolwisisa kuli mu siemba sa zuho ya Paseka yani, kuli mu zuhile ni Yena? [“Amen.”] Mu nanule mazoho a mina. Muteni ku zona ni mina.

³⁴⁴ “Bana baka ba banyinyani,” sina Paulusi ha na bulezi. Isiňi kulika ku mu likanyisa, kono, lilato, Na mi lata. Na i kataza mwa linzila ni mwa lika kaufela, fa kutaha kwanu, kuli ni to ambola ku mina. Kuzwa kwa lihalaua, mwahala mabala a litwa, ni zeňwi cwalo, fa kutaha kwanu. Lu fufa mwa lifulai. Mwa koboca limota mwa naha, kuli lu kopane hamoho. Lwa latana yomuňwi ni yomuňwi.

³⁴⁵ Lu siemba sa yomuňwi ni yomuňwi. Musike mwa lumeleza Satani ku mi bulelela sika kaufela. Ka kuba siemba sa yomuňwi ni yomuňwi, lu siemba sa Hae. Mi lu pila mwa na ha ya yomuňwi ni yomuňwi ona mwa Mubuso, kuikola limbuyoti ze, hamoho, za zuho.

³⁴⁶ Mi cwale, mwabona, cwale mu se mu zusizwe kale. Fani Mulimu ha na Mu zusize, Na mi zusize. Mwana uinzi fela cwale ku mina, mi cwale musweli kuhula mwa Bupilo bo bu tubula sina mwa Na bezi, kuli azuswe ka kutala mwa lizazi la mafelelezo lani. Liswanelo za mina, muna ni zona cwale. Kiňi ha mu ziba? Moyo wa mina u cincize, nji cwani? Mubili wa mina ukeni mwa kutwela ku Zona, nji cwani? Mwa kuutwela kwa (sikamaňi, ki keleke nji?) ki Linzwi, yeli yona Bupilo, fohe konakuli mu zusizwe cwale kwa bafu. Ki yona Paseka, ni Jesu ni Na. Ki Paseka, ya mina ni Jesu. Mi ki Paseka, ni mina, Na, ni Jesu. Luna kaufela lu . . . Kamba, Jesu, mina, ni Na, luna kaufela lu zusizwe hamoho.

³⁴⁷ Mi lu ka zuha ka lizazi la mafelelezo, nihaiba mioya yaluna ika siya mibili ya luna, mibili ni ha ika swala mafume, iye kwa liluli, kamba ikone kucisiwa, ibe mwataswa liwate. Bibele ibulezi kuli, “Lingeloi ne li sululezi za lona mwa liwate, mi lika kaufela ze ne shwile za zuha.” Hakuna ze kona ku lu pata, kamba ku lu kauhanya, kuzwa ku Mulimu yani yo lu lata hakalo, yana lu zusize hamoho.

³⁴⁸ Mulimu ami fuyole. Ni mi inisize mo fa nako yetelele. Haiba nji batu bani ba sa inzi fa luwaile foo, bona kaniti . . . Ka ma senti a mashumi aketalizoho ka muzuzu, kaniti ba sinyehezwi litifo, kakusasana cwana. Kono, Ne ni palelwa kutuhela ka hola yani, Ne ni na ni kuzwelapili fela.

³⁴⁹ Cwale, haiba Mulena alata, Ni ka kuta busihu bwa kacenu, ku to ambola ni mina hape. Mi haiba Ni sa koni, mi kaufela mina mu ka ziba... Ni sepa kuli ha lu yo fa batili... kamba batili... Halu sa liyo fa luwaile ni hanyinyani? Haluyo fa luwaile ni hanyinyani.

³⁵⁰ Mina kamukana mwa ziba ko Ni ya, nji cwani? Africa! Ni bizize fa nako yetelele; ka lilimo Ni likile ku kutela kwateni. Cwale ki pono, Moya wa Mulena u lukisize nzila. Neba bulezzi kuli, fani bañi ba naha bani hane ba utwile, kuli Ne ni si ka ya lwa mafelelezo hane Ni li kwani, baina mwa mubu musihali ni busihu, ni kuitiulula ni kulila, mi bali, "Mulena, ki sikamañi se lu ezize?" likiti-kiti za bona. Batu bani mane haba lumeli kuli bana ni moyo. Mwabona? Mi ba lila ni ku itiulula, ni ku lila.

³⁵¹ Musike mwa luma manzwi kwapili. Shangwe musike. Mubone, haiba nji situpa sani si ka lumeleza kuya kwani ni kubeya bakutazi mwahala bona, ne ba ka ni tuhelisa ona kwani. Ni lukela kukena sina muzumi. Naya ku mulena wa musali yana tisize likocikala ze sebentini za sitima kwanu mi a taha kwa mukopano. Ni yanga ku yo zuma kwa libaka za museto zani. Mi kipeto Na kena mwahali, situpa sa ka ni zeñwi kaufela li talusa muzumi, isiñi sebelezo ya bulapeli.

³⁵² Mi ku kaba muzwale yomuñwi yaka kopana ni na, ya kali, "Kiñi ha u sina mukopano nyana ku luna?" Libaka za lipapali ze shutana li lifezwi kale. Mane bona ha ba zibi. Mwabona? Oh, kanya!

³⁵³ Mulapele kuli tato ya Mulimu isike ya tibelwa. Kuli, moyo wa ka onzo lilela Africa kuzwa fo Ni zwezi kwateni, kuli Ni kone ku yo kutela kwateni hape, mi ni ku mitiseza liñusa la mukopano o mutuna. Mwendi Ha nina ku mi bona ni kamuta, kuzwa kacenu, kufitela Ni ka yo kuta. Lwa ya, mwa mazazi fela a likani cwale, kweli ya Kandao haibizwa teni. Kikuli mu ka ni lapelela? [Puteho ili, "Amen."—Mu.]

³⁵⁴ Muhupule, ha muzibi seo matata ali sona, kufitela mufita ku ona; liñaka za maloi kwa maneku kaufela, ni diabolosi, mi mu sike mwa eupula kuli ha ba zibi sa kueza. Mwabona? Mi mbwesha muzibe hande se mu ambola, ha mu yemi fapila bona. "Kono Ni ziba Yena yo Ni lumezi, mi Ni na ni sepo ya kuli Uka kona ku buluka se Ni file ku Yena ka lizazi lani."

Cwale, kuna ni litaulo ze beilwe fa.

³⁵⁵ Mulimu Yomunde, sina Liñusa la kakusasana cwana, ka za zuho, mi na ni nze ni yemi fa, Mulena, ni tisa ka Linzwi kuli ona Mata afa bupilo ani ainzi ku mwana kaufela ya lumela. Kabakaleo, fahalimwa ku lumela, ka tumelo, kuli Mata afa bupilo ani a cincize bupilo bwaka. Mi sicaba se sa lumela, Mulena, mi Li cincize bupilo bwa bona. Mi lu lapelela mañi ni mañi.

³⁵⁶ Ni beya mazoho aka fa halimwa litaulo ze, kuli . . . Mi Mulimu, Yana file mata ku Jesu Kreste ni ku Mu zusa kwa bafu, mi Moya wani o no Mu zusize kwa bafu, uine mwa mubili wa luna.

³⁵⁷ Moya o noli mwa mubili wa Elisha, kuli, kasamulaho wa kushwa mi kusina sika kwanda masapo, nana ni Mata a kufa bupilo ku ona. Mazoho a ba apositola nana ni Mata afa bupilo ku ona. Minahano ya ba apositola, lifateho za ba apositola, ona—ona malimi a balumeli, kaufela bona ne ba nani Mata afa bupilo.

³⁵⁸ Cwale ona Mata afa bupilo ani, ha nze Ni beya Linzwi le ku bona, mi mazoho aka kwa ku paka muluwi, ka sishemo, sa Mata afa bupilo ani, A kone kufa mata ku omuñwi ni omuñwi wa mibili ye kula ye, mi ba kone ku fola hape, Mulimu, ka Libizo la Jesu Kreste.

³⁵⁹ Mi he isike ya ba fela litaulo ze, kono kwa sicaba sesili kwande kafo mwahala sicaba, mutu ni mutu ya sweli ku nyanda. Bana ba banyinyani bani, batu baba supezi, seo bali sona kaufela, mi cwale Mata afa bupilo ani aba akufise ona fa, ka Libizo la Jesu. Amen.

³⁶⁰ Cwale, ki ba bakai baba nani Mata a fa bupilo? [Puteho ili, "Amen."—Mu.] Cwale mu beye mazoho amina ku yomuñwi ni yomuñwi, haiba nji Mata afa bupilo ao ateni ku mina.

³⁶¹ Cwale, kuna ni fela nto iliñwi ya ku I sileleza ku yona, se si tibela, sani ki ku sa lumela kwa mina. Musali ya na sweli siapalo sa Hae, na folile; musole wa Siroma na kwezi mati fa sifateho sa Hae, mi aya kwa lihele. Mwabona? Kacwalo ne si na ni . . . ku itingile fo mu inzi. Kana mwa lumela Seo nji? [Puteho ili, "Amen."—Mu.] Kana mwa lumela Seo?

³⁶² Cwale Ni bata kuli muinamise litoho za mina mi mu lapelelane yomuñwi ni yomuñwi. Fela—fela mu lapele ka kutumusa luli, mubulele fela kuli, "Mulena, mutu yoo" . . . Mwabona, mu lapelelane fela yomuñwi ni yomuñwi.

³⁶³ Mulimu Yomunde, lu eza se ka Libizo la Jesu Kreste, lona Libizo linosi fela le li filwe ku mutu leo ka lona lu kona ku piliswa kamba ku foliswa. Sicaba se, babali bahesu hamoho ni luna mwa Mubuso, muña Mata a tisa bupilo, u ba A kufiseze ona, Mulena, ona fa cwale. Mi cwale Moya u zamaye kuzwa kwa mbande ye kuya kwa mbande yani, kuzwa kwa Linzwi kuya kwa Linzwi, kufitela mutalelela wa Jesu Kreste u bonahazwa mwahala omuñwi ni omuñwi wa mibili, kwa nama, moyo, kamba butokwi kaufela bo ba tokwile, halunze lu beya mazoho ku yomuñwi ni yomuñwi. Ka Libizo la Jesu Kreste.



KI KUPAZULA KWA LIZAZI LOZ65-0418M

(It Is The Rising Of The Sun)

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda kakusasana, Lungu 18, 1965, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org